

## *KULEREKA* <sup>3</sup>

 ...Neville. Mlenji uweme, mwaŵanthu. Ise ndise wakukondwa chomene kuti tafikaso kuti timutauzgeniso imwe mu Zina lira lakukwanira vyose la Fumu Yesu. Tikugomezga kuti imwe mwanguŵa na sabata yiweme ya marumbo Ghake na vitumbiko.

<sup>2</sup> Apo nizanga waka mlenji uwu, ine nangukumana na mnyamata muchoko kula uyo wangundipa ine chiboliboli chichoko cha Mungelo wa chivikiliro kulonderanga wana wâchokowâchoko wâŵiri. Ndipo ine nangumanya yayi kuti yura wanguŵa Daulton, mnyamata muchoko Daulton.

<sup>3</sup> Ndipo kuno masabata ghachoko ghajumpha, panji ghachoko... Pafupifupi masabata għawiri ghajumpha, kukawa dada, dada Mukhristu, wakarombera mwana wake mwanakazi wa virimika vya m'matini uyo wakawâ wandazgoke kuwa Mukhristu, apo iyo wakimilira mu mzere wa pemphero. Ndipo Mzimu Mutuŵa wakayowoya mwenemula, "Ine—ine nkhukupa iwe mwana wako." Ndipo iyo wali apa mlenji uwu, wakuponoskeka ndipo wakubapatizika mu Zina la Fumu Yesu, wakhala pa gome, umo Mzimu Mutuŵa wakayowoyerha waka. Ndipo wana wanyake wose wali mwenemuno. Ine nkhumanya banja la Daulton ndakukondwa.

<sup>4</sup> Muwoneni dona muchoko kula uyo iwo wakawâ na kurombera bonda pa Sabata yamara, wakaghanaghana kuti iyo wafwenge. Ine nkhumuwona iyo wachali na ise mlenji uwu, ndipo ise ndise wakukondwa chomene pa icho, mlóngosi. Iwo wakaghanaghana kuti iyo wakawâ na kuphapa kwa minofu, ndipo iyo wakaŵavye ichi. Ntheura ise ndise wakuwonga chomene.

<sup>5</sup> Nkuwona wabwezi withu wose waweme. Ine namukumbukira mwanarumi uyu apa wakiza kwa ine mu kukumana kwapadera ku—ku Chautauqua nyengo yimoza, ine nkugomezga kukawa kwenekulha. Ine nkharya chakurya cha mlenji pamoza na iwe na muwoli wako na wana, ine nkugomezga ichi... panji iwe na muwoli wako, panji wana, enya, nawoso. [M'bale wakuti, "Middletown."—Munozgil] Middletown, pa a... Kweni ise tose... Ine narwu zina lira, ntheura ine nkhuchema waka ili Chautauqua. Enya, bwana. Wabwezi wane wānandi waweme.

<sup>6</sup> M'bale Charlie Cox na Mlongosi Nellie kudera uku, awo wali kuwa kukaya kwane kwachiŵiri kwa ine, ndipo chinyake yayi kweni kuti imwe ndimwe wana wane ndamwene. Ine nkhuruta kusika kula, ndiko ine nkhukhala nyengo yane yinandi kupulanga, ndi kusika kula. Iyo ndi chiŵinda mukuru wa

ŵabenga mu Kentucky para ine ndiri mu Indiana. Ndipo ntheura Indiana... Ndipo Charlie, ine nkukuphalira iwe kuti ine nkukhumbisika waka, nkhuwona ngati kuti ine ningakora waka somba zira pachoko panji somba zamizeremizere pambere ine nindauyambe wa kunena kula. Ine nkhuwona waka ngati kuti ine ningakhalako chomene.

<sup>7</sup> M'bale Parnell... Par... Arnett, kufuma ku Lou-... South Carolina. Ndipo M'bale... Enya, ŵanandi waka chomene ŵakupambanapambana muno kufuma ku malo ghakupambanapambana, awo ŵafika mlenji uwu kuti ŵazakachezge nase.

<sup>8</sup> Imwe mukumanya, ise tirije ŵithu ŵanyengo zose kuno. Ise tikuŵa waka na wenewawene yumoza na munyake, apo Ndopa za Yesu Khristu, Mwana wa Chiuta, zikutitzga ise ku uheni wose.

<sup>9</sup> Sono, ise tiri na chisambizgo chiweme, chiweme chomene. Ndipo ise tiri, pafupifupi ine ndine... nkhumanya ine nkhusanguruka nacho ichi, ndipo ine nkhumanya imwe mose mukusanguruka nacho ichi namweso. Ine nkuyambako nyengo zinyake pa dazi, kuti ndiyowoye za ichi panji kuti ndiŵazge za ichi, ine nkutora pakunji mavesi għawiri ndipo ine nkuyambako mu Malemba ndipo, chinthu chakudanga imwe mukumanya, ine nkhuŵa kuti nayenda kufuma ku Genesis kufika ku Chivumbuzi, kurutiriranga waka.

<sup>10</sup> Ndipo, imwe mukumanya, ine nkukhumba kuti ndisange nyengo uko ise tingamanya—uko ise tingamanya kutora Buku la—la Ŵahebere, na kutora waka ngati... Enya, para nyengo ya ŵabenga yafika, ngati Seputem-... panyake Okuto-... Ogasiti, imwe mukumanya, na kurutirira mpaka nyengo yakuti ndirute kusirya kwa nyanja, usiku waka uliwose pa Buku la Ŵahebere, panji Buku la Exodus. Umo Chiuta, Exodus, kutoranga ŵanthu Wake kufuma mu Egupto, kufuma! Chithuzithu chiweme chomene cha ise sono kunozgekeranga kufuma kwithu. Ichi ndi, o, ndi chinthu chiweme. Malemba ghose ghakumangirirana waka pamoza, ndipo ndi Nkhani yimoza yikuru.

<sup>11</sup> Sono, mlenji uwu ise a—ise tichali mu Buku la... Ise tate titorenge machapitala għat-tu ghakudankha għa—għa Buku la Waefeso. Kalata ya Paulos ku Waefeso ku Efeso, kuyezgħġa, kukhazikiska mpingo mu malo ghake. Ndipo pambere ise tindayambeko ichi, uli ise titore waka yinyake panji għawiri kuti tirombe, pambere ise tindachite.

<sup>12</sup> O Fumu, Chiuta withu, ise tikwiza mu Kuŵapo Kwinu sono, ngati ŵambula kwenerera umo ise tiliri, kweni ise tikumanya kuti yiriko Sembe ya Ndopa kula yikulindizga, kutitozga ise ku ukazuzi withu wose, na kutipereka ise panthazi pa Ŵadada, ŵambula kususkika, ŵambula chifukwa. Ntha chinyake icho ise tingamanya kuchita kuti tisange ichi. Kweni pakuti Yesu wali kutichitira ise ichi, ise tikusindama mwakujikhizga

ku Kuŵapo Kwake na ku Zina Lake, kuromba kuti Imwe mutumenge Mzimu Mutuŵa mlenji uwu pakati pithu. Ndipo ngati pakuŵa wakusambira vyauchiuta yayi panji kumanya kawikiro ka Malemba mu dongosolo, kweni wakukondwa waka na wakuwonga ku kapulikiro ka Mzimu Mutuŵa apo Uwu ukwenda mu thupi lane, uli Uwu utumbike walijose wa ise apo ise tikuŵazga Mazgu Ghinu ghakulembeka, mwakuti Agha ghangamanya kuŵa Umoyo Wamuyirayira kwa ise. Perekani ichi, Wadada. Ise tikuromba ichi mu Zina la Yesu na pa chifukwa cha Yesu. Amen.

<sup>13</sup> Sono ine panyake niyowoye ichi apa, chakudankha, kuti usange nyengo yinyake ine panyake nayowoya chinyake icho chingamanya kuŵa chakususkika, nthia chakukhazikika makora, panyake chakwanangika chomene ku kasambizgiro kinu, panji chinyake icho imwe mukuzomerezgana nacho yayi, ine nkhu Gomezga kuti Mzimu Mutuŵa, kuti Iyo wapangenge ichi kuŵa chakukhazikika na chakunowa chomene mpaka nthia paŵenge...nthia paŵenge kwanangirana kulikose. Mukuwona? Kuti ichi a—ichi chiŵenge kwizira mu chitemwa na wenenawene, mwakuti icho ndicho ichi...Ichi chikung'anamura kuŵa ntheura.

<sup>14</sup> Ndipo chose ichi chikwamba na upharazgi wa pa Sabata yajumpa, ine nkhu Gomezga pakawa, pa Sabata yajumpha mlenji, wa *Fumu Yakukanika*. Kasi walipo munyake wali nayo tepi? Ine nkhu Gomezga iwo wali nagho, ndipo imwe mungamanya kuŵa nagho usange imwe mungaghakhumba igho, *Fumu Yakukanika*.

<sup>15</sup> Sono mazuŵa waka ghachoko ise tizamuyambira ku... kunena ku Middletown, Ohio. Ise tikukhumba wose awo wali na ghawo—maholide ghawo waghatorenge mu nyengo yira kuti muwoneseske kuti muzakawé nase kula, chifukwa ise tikukhazga kuzakawa na nyengo yiweme ya wenenawene ku Middletown, Ohio. Dokotala Sullivan ndi wa pa mpando, ine nkughanaghana ntheura, wa komiti. Ndipo kwamkuŵa mausiku ghankonde gha uwu, ine ndamupharazganga ngati a—mupharazgi mukuru pa Ungano wa Vyaru vinandi vya mipingo ya Vyaru vinandi. Ndipo ntheura—ntheura pamanyuma pake, uzamkuŵa ungano wa taŵene kufuma nyengo yira na kunthazi. Ise taunozga uwu kufika pa thweluvu, kweni pasi pa kapulikiskiro kakuti panyake ise tingazakarutirira nanga nkhu fika mu sabata yinyake pamanyuma pa yira, chikutorera waka umo Mzimu Mutuŵa wakurongozgera. Ise tose tikukhumba kurongozgeka na Mzimu; icho Mzimu wakuyowoya waka kuti chita, ntheura chita ichi mwaluwíro.

<sup>16</sup> Ndipo tiyeni tikumbukire apo ise tikupulikira Mzimu, chisambizgo chikuru chimoza icho ise tikukhumba kuti tisambire, ntchakuti kuŵa wakupupuruma yayi. Wonani, fwasaní, muŵe na chipulikano. Usange ise tamuromba Chiuta

chinyake, kumbukirani Chiuta wakuzgora pemphero. Iyo wakuchita ichi mu nyengo Yake, umo iyi yiliri yiweme chomene, wakupanga ichi kutichitira ise makora. Ndipo usange icho chiri ntheura yayi, ipo kasi ise tikuchitachi muno mlenji uwu? Kasi—kasi ise tikuyowoyerachi za Chikhristu? Chiuta . . . Usange agha ndi Mazgu gha Chiuta yayi, ipo Ichi ntchaunenesko yayi, ipo ise tikusangika pakati pa ḫanthu ḫachitima chomene.

<sup>17</sup> Ine ndine wakuwonga chomene kulumikizana mitima na ḫanandi kuno awo ḫakumanya kuti Ichi ndi Mazgu gha Chiuta ghambula kutondeka. Ipo Ichi, Ichi ndi Lizgu lirilose Mbunenesko, Lizgu lirilose la Ichi, chigaŵa chirichose cha Ichi. Ndipo na uchizi wa Chiuta, ndiri kuŵa na mwâwi wa kukachiwona Charu kwenekuko dazi linyake ise tizamuruta.

<sup>18</sup> Mayiro. ḫanthu ḫakumanya yayi nyengo zakupweteka izo zikwiza na utumiki wa mtundu uwu. Ine nkhpwetekeda chomene, ndipo ine nkhati kwa muwoli, “Ine nakhumbanga nthena nangupumula waka.”

Iyo wakati, “Ntchifukwa uli iwe ukuyowoya icho, Bill?”

Ine nkhati, “O, kuno ine ndiri na masuzgo na vinthu.”

<sup>19</sup> Ndipo pamanyuma kukawoneka ngati kuti Mzimu Mutuŵa wakati, “Kasi iwe ukuyezga kughalambala igho? Kasi iwe, kasi iwe ukuyezga kughagwenthia igho?” Mukuwona?

<sup>20</sup> “Yayi,” ine nkhati, “ndizomerezgeni waka ine ndiyimilire nkhanira mu kurazgirana na chose ichi na kwimikana nacho chose ichi. Wonani, waka . . .” Mukuwona?

<sup>21</sup> Ichi ntchiweme chomene. Mwakugomezgeka, mu unenesko, ine nkuyowoya ichi ngati kaboni wakuwona na maso, kuti para umoyo uwu wamara waka, ise tikunjira mu Charu icho chikuruska kughanaghana kulikose uko munyake wangamanya kughanaghana. Ndipo usange muli ḫalendo muno, ine nkugomezga kuti imwe nthu . . . Ine nkhuromba kwa Chiuta kuti imwe mukunditora ine ngati wakunyanyira yayi. Ine—ine nkukhumba, usange chiripo chinyake, ndi kuŵa wakugomezgeka na kuti ndiyowoye Unenesko. Ndipo kasi chindichitrengé chiweme uli ine kuti ndiyowoye chinyake icho chikaŵa chautesi, apo kuli a—kuli vinandi chomene ivyo viri apa ivyo ndi vya Unenesko? Ise, ntchifukwa uli ise tiyowoyenge chinyake chautesi za ichi? Mukuwona? Ichi, Ichi ndi Unenesko waka.

<sup>22</sup> Ndipo, ndicho chifukwa, ine nkugomezga Paulos wakakwapulikira mu machanya ghachitatu, ndipo iyo wakawona vinthu ivyo kukawa kwakwenerera yayi kwa iyo kuti waviyowoye. Ndipo dazi limoza iyo wakati, “Jiso lindawonepo, khutu lindapulikepo, panji kunjira mu mtima wa munthu, icho Chiuta wali nacho cha iwo (mu chakusungiramo) awo ḫakumutemwa Iyo.”

<sup>23</sup> O, ise tikukhala waka . . . Ise tikukhala mu mulu wa viswaswa pasi pano, mbwenu kwamara, mulu waka wa unyakasi wakuzura na—na josi likuru kufuma mu unyakasi. La . . . Nangauli kuti ise lindatinange tawene, ise tikukhala mu ili, uko josi likwiza kufuma ku kusunkha kwa kwananga. Chimoza cha vinthu vyakuseruska chomene icho ine ningaghanaghana, ndi kugolera kwa mutaya wakale wa msumba. Kasi imwe muli kufikako kufupi ku umoza? Liheni lira, fungo liheni la josi kufuma ku mitundu yose ya unyakasi. Ndipo—ndipo iwe kupulika waka fungo la ili, ndipo ili likukuseruska waka iwe.

<sup>24</sup> Ine nkhukumbukira nkharuta kusika ku New Albany, kusika ku a . . . kusika kwa Eighteenth Street, uko kukaŵa mutaya wakale, ndipo ine nkhenera kuruta kusika kula na kukalembira mamita. Ndipo ine nkhaliwopa waka dazi lira para likati lafika, msewu nambala eyitini, para ine nkhenera kuruta kusika kula, chifukwa kukaŵa kukapulika fungo liheni lira. Ndipo kweni, chigonere kula ghakaŵa mathupi gha mbeŵa na ntchewe na chirichose, imwe mukumanya, agho ghakasunkhangha ndipo josi lakale lira kutorokanga kwenekula.

<sup>25</sup> Sono, kweni, icho ndicho umoyo uwu ukulinganizgikako, pa chimake chake. Kusunkha waka, kwananga kukupulikikwa waka palipose, ngati ndiumo kukaŵira, kuyowoya ku uzimu. Kweni, o, uko mphepo zikuputa makora, ndipo chirichose ntchiweme na mtende na chimwemwe na Umoyo Wamuyirayira, ndi kusirya waka kwa mronga. Kweni ise tiri mu nkhondo, ntheura ise tingasiwanga waka yayi na kuti “tiyen'i tifulumire ndipo tikafike kudera kula,” tiyen'i titorere waliyose pamozza na ise uyo ise tingamanya kumufika. Enya.

<sup>26</sup> Ndipo sono chirato cha visambizgo ivi ndi kuŵakhözga iwo weneawo wali kunjira kale mu Charu. Chirato cha ichi, kusambira Buku ili la Waefeso, ndi kukhazikiska mpingo mu malo ghake uko uwu ukwimilira mwa Khristu. Ndi chithuzithuzi cha Chipangano Chakale na Buku la Joshua, uko Joshua wakawagawira. Pa Sabata yamara ise tikaŵa nacho ichi, uko Joshua wakagawira charu kwa munthu waliyose. Ndipo iyo wakachita ichi mwa ukhuŵirizgi.

<sup>27</sup> Umo Moses wakachitira . . . wakafumiska wanthu mu Egupto, gariki, hanyezi, kuŵafumiskamo, ndipo wakaŵapa malo uko Chiuta wakawalayizga virimika foru handiredi . . . panji virimika foru handiredi pambere chindachitike, kuti Iyo wazamkuŵatorera iwo ku malo, charu chiweme chakwenda mkaka na uchi. Ndipo Moses wakawarongozgera wana ū Israel nkhanira ku charu chira, kweni wakawayambuska yayi iwo.

<sup>28</sup> Ndipo Yesu, ku uzimu, ku wanthu awo a . . . ise tiri kulayizgika Mzimu Mutuŵa kufuma ku mtendeko, Yesu wakatirongozgera ise kufika ku phangan. Kweni Mzimu Mutuŵa wakiza, ngati Joshua, kuti watore ulamuliro na

kurongozga na kudangilira na kuti titore charu, panji kutora mpingo. Ise tikusanga kuti, kufuma pakwambilira, ntheura, kuti mu withu . . .

<sup>29</sup> Sono apa ndi penepapo, panyake, wānthu panyake wāngaghanaghana kuti ine ndine wamtafu ndipo nkuyezga kuchefya wābale. Ine ndiri yayi! Chiuta ndi Mweruzgi wane, ine ndiri yayi. Mukuwona? Ine nkuyezga kurongsora waka chinyake icho ndi Unenesko. Mukuwona? Ise tiri kusankha wārongozgi, wā wānthu, m'malo mwa kurongozga, wārongozgi, kurongozga kwa Mzimu Mutuŵa. Ise tikukhumba wānthu kuti wātigawire chigawā chithu na kuti wātirongozge ise, mabungwe ngati Methodist, Baptist, Prezibetere, Lutheran, mpingo wa Khristu, Chipentekosite, na mabungwe ghakupambanapambana, kupanga bungwe ngati chiyezgerero, ndipo ise tikurondezga icho. Kweni ise tiri . . .

<sup>30</sup> Mulije mu Baibolo kuti ise tichitenge chinthu ngati icho. Mulije chigawā chimoza cha Lemba, mu Baibolo lose la Chiuta, uko Iyo wakapanga mpingo kuŵa bungwe panji uko Iyo wakayowoyapo za bungwe, mulije malo ghamoza mu Baibolo. Kweni nyengo zose wakususka ichi. Iyo wakukhumba yayi kuti tijikozganiskenge na vinthu nya charu. Iyo wakukhumba kuti tiŵe wāpadera, wākupaturika.

<sup>31</sup> Ine sono ntha nkhung'anamura kuŵa "wazereza," umo ise tikuchemera ichi. Ine nkhung'anamura kuŵa wānthu wākuchemeka, o, fuko lituŵa lakutumbikika, kukhalanga maumoyo agho ghali pachanya pa chinyozo, kuchitanga, kukhalanga nkharo taŵene ngati ndiumo Iyo wakukhumbira, kuteŵetanga mwa ise, pakuti ise ndise chiwoneskero cha luso Lake, wākulengeka mwa Khristu Yesu kufika ku milimo yiweme.

<sup>32</sup> Sono, pa Chitatu usiku, wānandi wā imwe mukawāko yayi kuno pa Chitatu usiku, kweni ise tikafika mu a . . . Ine nkugomezga ndi vesi 3 panji a . . . Yayi, ndi vesi 5.

. . . *kufika ku kulerekā*, panji kuhazikiskikanga kwa wānthu . . .

<sup>33</sup> Umo kuti Chiuta, kuyezganga kuti wakhazikiske wānthu Wāke. Ndipo para Chiuta wakhazikiska yumoza, pamanyuma, o, mpingo wose ukukhumba kuŵa ngati yumoza yura, kuŵa na vinthu vyakuyana, kuchita vinthu vyakuyana. Ise tiri kudumulika mwakulekana, ise tiri kupangika mwakulekana, ise tiri na kawiro kakulekana, ndipo ise tikukhazikiskika mu malo ghakulekana, waliyose ku mlimo wakulekana; panyake yumoza ku mtundu waka wa mlimo uchoko, munyake ku mlimo ukuru. Ine nkugomezga wakaŵa David panji yumoza wa wāprofeti, ine naruwa sono, wakati, "Ine ntchiweme ndiŵe chakudyakapo pa muryango wa Nyumba ya Yehova, kuruska kuŵa a . . . kuhala mu mahema na wāhe- . . . wāheni."

<sup>34</sup> Sono ise tilekezgenge waka pachoko pa kulereka, vesi 5, kuyezga kuti titakasukepo umo ise tingamanya kuchitira pa ichi. Kweni sono kumbukirani mutu, chose chiri pa kukhazikiskika. Kasi mbalinga wakupulikiska icho? Rekani ise timupulikeni imwe mukuyowoya ichi na lizgu limoza: "Kukhazikiskika Thupi la Yesu Khristu pa malo mwa Khristu uko Mzimu Mutuŵa wakutirongozga ise." Apo imwe muli, sono ise tapulikiska ichi, wonani. Kutikhazikiska ise pa malo, Buku la Waefeso ndilo likuchita icho.

<sup>35</sup> Ndipo muwoneni musambizgi mukuru uyu, Paulos. Chinthu chakudankha iyo wakuchita ndi kubwangandula fundo yose ya kurazgako nkhontho. Kubwangandula fundo yose ya "kuŵa Mukhristu muhanyauno ndipo namachero ine mbwenu naruta, ndipo dazi lakurondezgako Chiuta wakandisuska ine ndipo dazi lakurondezgako ine nkhwizaso." Uko ndi kupusa! Sono ichi ndi... Buku ili lalembekera ku kusambizga kwa uneni yayi, maupharazgi gha wâneni. Ise ntha... Ine nkhuchikhwaska yayi ichi ku malo ghachilendo. Ine nkhperekwa ichi ku mpingo, pakuti Paulos wakalemberra ichi ku wâtuŵa, iwo weneawo wali kuchemeka ndipo mbakunozgeka, ndipo mbakuzuzgika ndipo mbakupatulika, ndipo wali mu Mzimu Mutuŵa, wali kale mu Charu cha Kenan. Iyo wakuyezga kuŵaphalira iwo, chinthu chakudankha, fumiskanimo ichi mu malingaliro ghinu kuti imwe mutayikenge ndipo imwe muchitenge *ichi*, ndipo imwe mukuchita wofi na *ichi*. Kuchita wofi na chirichose yayi, pakuti iyo wakuyezga kumuphalirani imwe apo imwe muli, icho imwe muli, umo imwe mukuyimira.

<sup>36</sup> Sono, imwe panyake mungachita vinthu mwakunangiska, ndipo nyengo yiriyose para imwe muchitenge chinyake mwakunangiska imwe mulipirenge pa ichi. Enya, bwana, imwe muvunenge icho imwe mwamija! Kweni icho chirije na chinthu chimoza chakuchita na chiponosko chinu. Para imwe mwababika na Mzimu wa Chiuta, imwe muli na Umoyo Wamuyirayira ndipo mungafwa yayi umo kuti Chiuta wangafwa yayi. Imwe ndimwe gawo la Chiuta, imwe ndimwe mwana wa Chiuta.

<sup>37</sup> Ine nkhababika Branham. Imwe mungamanya kundipangira zina linyake ine, zina linyake, kweni chindipangenge ine wakupereŵera chimoza yayi, ine ndine Branham ndipera. Ine nkhababika Branham, nyengo zose ndiŵenye Branham. Ine ndi... Ine panyake ningazakawâ wakupundukwa dazi linyake, wakupundukwa chifukwa cha kuŵawa kwa marundi, kuchita ngozi na kuphwanyika mpaka ine niwonekenge ngati chinyama, kweni ine ndizamkuŵa Branham ndithu! Chifukwa? Ndopa za Branham ziri mkatî.

<sup>38</sup> Ichô ndicho imwe muli. Ndipo malinga Chiuta wali kumupangani imwe... Sono kumbukirani, ine nthâ nkhuyowoya kwa iwo weneawo wali kuwaro kwa Khristu. Ine

nkhuyowoya kwa iwo weneawo wali mwa Khristu. Kasi imwe mukunjira uli mwa Khristu? "Na Mzimu umoza!" Mukuru M-z-i-... cheneicho chikung'anamura, "Na Mzimu Mutuŵa yumoza ise tose tikubapatizikira mu Thupi limoza." Kasi ise tikuchita uli... Kasi ise tikunjira uli? Na ubapatizo wa maji? Umo ine ndiliri wakususkana namwe imwe wa Baptist na imwe wa mpingo wa Khristu. Na ubapatizo wa maji yayi, yayi munthowa yiriyose! 1 Wakorinte 12, wakati, "Na Mzimu umoza, Mzimu Mutuŵa, ise tikunjira mu Thupi lira." Ndipo ndise wakuvikilirika waka umo Thupi lira liliri lakuvikilirika. Chiuta ndiyo... wakalayizga ichi.

<sup>39</sup> Kasi Chiuta wamweruzgengeso uli Iyo, para Iyo wakaruta ku Mphinjika? Kukwera Gologota, Iyo wakatimbika, wakapwetekka, Iyo wakamanya yayi kuchizga, Iyo wakamanya yayi nanga nkhuyowoyapo lizgu, yayi. Chifukwa chavichi? Iyo wakawa na zakwananga za charu pa Iyo. Ntha chifukwa chakuti Iyo wakawa wakwananga, kweni "Iyo wakazgoka kuŵa kwananga" kwa ine na kwa imwe. Zakwananga zose za charu kufuma kwa Adam kufika ku kwiza Kwake, zikawa pa phewa Lake. Ndipo Chiuta wakalanganga Mwana Wake yayi. Iyo wakalanganga kwananga. Mukuwona umo ichi chikawira chakofya? Iyo wakapanganga chakuphemanskira. Iyo wakawapangiranga nthowa yakufyolowokera kwa wose awo Chiuta, mwa kumanyirathu Kwake, wakamanya kuti wazamkwiza. Ise tifikengeko ku icho mu maminiti ghachoko.

<sup>40</sup> Sono, pamanyuma, para imwe "na Mzimu umoza ise tikubapatizikira mu Thupi lira, Thupi limoza, leneilo ndi Khristu," ndipo ndise wakuvikilirika muyirayira.

<sup>41</sup> Sono, uko ndiko ichi chikuwoneka kuti chikutchaya mwachilendo, chomenechomene a-a-wakugomezga wa Arminia, kuti iwo a... wakwenera kuti wachite chinyake kuti wajisangire chiweme iwoŵene, panji chinthu chinyake chausopisopi. Kasi ichi chingâwako uli mwa vinthu viŵiri pa nyengo yimoza? Ichi panyake ndi mwa uchizi panji mwa milimo, chimoza. Ichi chingachitika yayi na chinthu chakuyana, ichi ndi mwa vinthu viŵiri vyakupambanapambana; ichi chikwenera kuchitika na chimoza. Ichi ndi...

<sup>42</sup> Ine, mwe, ine nkhuwonapo chinyake chirichose yayi kweni uchizi wa Chiuta. Icho ndicho chikundipanga ine. Ine nyengo zose nkhugomezga mu uchizi. Ine ndine waka uchizi palipose, mbwenu kwamara. Ichi ntha ndine-ndine... nanga ndi mu umoyo wane, para ine nkhaŵa mnyamata, ine nkhawonanga chinyake yayi, uchizi pera, uchizi. Iwo wakuti, "Ine-ine ndi... Imwe mukwanthe msana wane ndipo ine nikwanthe winu." Enya, ndi kayowoyerakofoya. Kweni ine nkhupwelera yayi kwali imwe mukukwantha wane panji yayi, usange winu ukukhumbikwa kukwanthika, ine ndimukwantheninge munthowa yiriyose. Wonani, uchizi. Enya, bwana. Wonani,

uchizi ukuchitika na chitemwa. Usange imwe mukuchikhumba ichi! Palije kanthu usange imwe mukandichitirapo chirichose yayi ine, ine—ine ndirije chinthu chimoza chakuchita na imwe, usange imwe mukuchikhumba ichi ine ndimuchitireninge ichi munthowa yiriyose. Uchizi! Chifukwa chakuti imwe mukuchikhumba ichi!

<sup>43</sup> Ine nkhakhumbanga kuponoskeka. Kukaŵavye chakundiponoska ine. Pakaŵavye chakuti ine nthena nkhachita pa ndamwene, ine nthena nkajiponoska yayi ndamwene kuruska kulekerathu waka. Kweni ine nkhakhumbanga kuponoskeka, chifukwa ine nkagomezga mwa Chiuta. Ndipo Chiuta wakatuma Mwana Wake, wakapangika mu chilinganizgo cha thupi lakwananga, kuti wasuzgike m'malo mwa ine, ndipo ine nkaphonoskeka, mwa uchizi pera ine nkaphonoskeka. Kuti ine nkhachitapo chinthu chimoza yayi, panji imwe mukuchita, kuti mujiponoske mwâwene. Ndipo iwo weneawo Iyo wakaŵamanyirathu pambere ghandaŵeko malufura gha charu...

<sup>44</sup> Ise tikajumphamo mu ichi, pa Chitatu chajumpha. Ise tikamulinganizga Chiuta mu Elah Wake, Elohim, ndipo chikawoneska kuti Iyo wakaŵa kajilengi. Kweni mkatи mwa Iyo mukaŵa Udada, mkatи mwa Iyo mukaŵa kazirwiro kakupambanapambana, ngati Muponoski, ngati Muchiriski. Vyose vira vikaŵa mwa Chiuta, ndipo Chiuta wakakhalanga yekha. Kweni pakuŵa kuti Iyo wakaŵa Muponoski, Iyo wakaŵa Da... Iyo wakaŵavye Mungelo, Iyo wakaŵavye chirichose. Kukaŵavye chirichose kweni Iyomwene. Iyo wakaŵa kajilengi. Kukaŵavye chikawako kweni Chiuta pera.

<sup>45</sup> Kweni pakuŵa kuti Iyo wakaŵa Chiuta, ipo pakwenera kuti chiŵeko chinyake chimusope Iyo, chifukwa Iyo wakatemwa kusopeka. Ndipo Chakulengeka Chake Yekha chikalenga vilengiwa kuti vimusope Iyo. Sono, mwakanyengo kachoko, tiyeni tiwerezgepo ichi kamozaso, mwakanyengo kachoko sono, ise tiwerezgengepo chinthu chose yayi, kweni imwe muzamkuchipulika ichi pa tepi. Kweni ntheura pakuti Iyo wakaŵa Chiuta, Iyo wakalenga Wangelo, ndipo Wangelo wakamusopa Iyo. Wangelo wachali kumusopa Iyo. Chifukwa, Wangelo awo wâkwimilira mu Kuŵapo kwa Chiuta wali na sikisi, mapapindo ghawirighawiri, mapapindo sikisi. Iwo wakubenekerera ghawiri ku maso Kwavo, ghawiri kubenekerera marundi Ghawo, ndipo wâkuwuruka na ghawiri, mu Kuŵapo Kwake, kuchemerezganga muhanya na usiku, "Mutuŵa, mutuŵa, mutuŵa, Yehova Chiuta Mwenenkhongono." Icho ndicho Lemba likuyowoya. Iwo wakamusopa Iyo, sono chira chikalenga chinyake kuti chimusope Iyo.

<sup>46</sup> Ntheura mkatи mwa Iyo mukaŵa ukhaliro wa Muponoski. Kasi chikati chichitenge uli chimoza cha Vilengiwa vira, apo kukaŵavye kwananga panji maghanoghano gha kwananga,

kasi chimoza cha Ivyo chikati chitayikenge uli? Ichi chikati chitayikenge yayi. Ntheura pakenera kuwa chinyake chipangike icho chikamanya kutayika, mwakuti Iyo wa e Muponoski. Mkati mwa Iyo mukawa Muchiriski. Kasi imwe mukugomezga kuti Iyo ndi Muponoski? Imwe mukugomezga kuti Iyo ndi Muchiriski? Kweni uli usange kuka avaye chinyake chakuti waponoske panji wachizge? Wonani, pakenera kuti chi epo chinyake chipangike mu ka iro kala.

<sup>47</sup> Ntheura sono, Iyo wakapanga icho mu kachitiro kala yayi, kweni Iyo wakamu ika munthu pa wanangwa wakusankha, “Usange iwe uryenge *ichi* iwe ukhalenge wamoyo, usange iwe uryenge *icho* iwe ufwenge.” Ndipo munthu waliyose uyo wakwiza mu charu wakukumana na chinthu cheneichi. Chiuta, mwa kumanyirathu Kwake, wakamanya awo  azamkuponuskeka na awo  azamkuponuskeka yayi. Usange Chiuta pakuwa...

<sup>48</sup> Fumbo likafumbika mayiro na wakusambira vyauchiuta, kwa ine, uyo wakhala wakwiza ku maungano panji kupulikizganga tepi, wakati, “Fumbo limoza!” Iyo wakati, “Kasi Chiuta wakusangika palipose? Pamanyuma,” iyo wakati, “Iyo wangamanya kusangika palipose?”

<sup>49</sup> Ine nkhati, “Iyo ntha wakusangika palipose mu nthowa umo lizgu likuyowoyerwa kuti wakusangika palipose. Iyo wangawa yayi Chakulengeka ndipo pamanyuma wasangike palipose. Usange Iyo wakusangika palipose, ntchifukwa uli imwe mukuomba kwa Mzimu Mutu a? Usange Iyo wakusangika palipose, Iyo wakuzura lumwa lirilose, kona, pafinyi, kadikidiki kalikose, ulusu, chirichose icho chiriko.” Ine nkhati, “Ntchifukwa uli Iyo wakachita kumupenja Moses, usange Iyo wakusangika palipose, ku nyumba ya  alendo? Ntchifukwa uli Iyo wakayenda kukwera-na-kukhira mu munda wa Eden, kuchemerezganga, ‘Adam, Adam, kasi iwe ulinkhu?’ usange Iyo wakusangika palipose?”

<sup>50</sup> Iyo wakusangika palipose chifukwa Iyo wakumanya vyose. Iyo wakumanya chirichose chifukwa Iyo ndi wambula mphaka, pakuwa wambula mphaka chikumupanga Iyo kusangika palipose. Pakuwa wakusangika palipose, ntheura, pakuwa wambula mphaka, ntheura, Iyo wakukhala mu Machanya. Iyo wakukhala mu malo chifukwa Iyo ndi Chakulengeka.

<sup>51</sup> Kweni, pakuwa wambula mphaka, ntheura Iyo wakumanya vinthu vyose. Wakumanya nyengo zose para kamuchenjezi wakuphayira jiso lake. Wakuyimanya njuchi yiriyoze, uko iyi yikuruta mu chisa chake kukatora uchi wake. Iyo wakumanya mpheta yiriyoze iyo yikudeka mu khuni. Iyo wakumanya ghanoghamo lirilose ilo liri mu malingaliro ghinu, chifukwa Iyo ndi wambula mphaka ndipo wakumanya chirichose. Ndiko kuti, Iyo ntha kuti Iyo ndi wambula mphaka pera, Iyo

wakumanya chirichose, Iyo wakumanya chirichose. Kweni Iyo ndi Chakulengeka, Chiuta ndi Chakulengeka, ndipo kufuma mwa Chakulengeka ichi kukayamba kuwoneka ivi.

<sup>52</sup> Ndipo kwananga, ine nkhayowoya usiku unyake, kwananga ndi chilengiwa yayi. Kulije icho chikalengeka kweni chakufikapo. Chiuta wakalenga vinthu vyose viweme. Kwananga ndi chilengiwa yayi. Wakati, "Enya, icho ndi chilengiwa cha kwananga." Imwe muli kupulikapo icho. Kweni uko ndi kunangiska. Kwananga... Kuli Mlengi yumoza pera, uyo ndi Chiuta. Chiuta wakalenga kwananga yayi, chifukwa Iyo ndi mutuŵa ndipo mulije chirichose mwa Iyo kuti chipange ichi. Kwananga ndi chakutimbanizgika; chilengiwa yayi, kweni ndi chakutimbanizgika. Chigoloro ndi kuchita kuweme kwakutimbanizgika. Boza ndi unenesko uwo wayowoyeka mwaujira. Kwananga kulikose, kwananga kulikose ndi urunji wakutimbanizgika.

<sup>53</sup> Ipo sono, Chiuta wakukhazikiska. Iyo wajiwoneskera kale Iyomwene, Iyo ndi Chiuta. Iyo wajiwoneskera kale Iyomwene ngati Muponoski, munthu wakatayika ndipo Iyo wakaŵaponoska iwo. Iyo wajiwoneskera kale Iyomwene ngati Muchiriski. Chikupanga mphambano yiriyose yayi icho wānthu wākuti Iyo wali; ndipo Iyo waliko, munthowa yiriyose, mwakuyana waka. Iyo ndi Muchiriski, Iyo ndi Muponoski, Iyo ndi Chiuta, Iyo ndi Wamuyirayira. Ndipo Iyo wali na chirato. Ndipo chirato Chake chikāwa, mu mtendeko, kuti wapange vilengiwa ivyo vingamanya kumutemwa Iyo na kumusopa Iyo.

<sup>54</sup> Ndipo Iyo wakalenga vilengiwa, ndipo vilengiwa vikawa. Ndipo pamanyuma Chiuta, mwa kuwura mphaka Kwake, wakalaŵiska pasi mu mzere wa nyengo ndipo wakawona munthu waliyose uyo wakenera kuponoskeka. Munthu waliyose, Iyo wakamanya ichi pambe... mwa kumanyirathu. Ipo usange Iyo, mwa kumanyirathu, wakamanya uyo wakenera kuponoskeka na uyo wakenera kuponoskeka yayi, Iyo wakamanya kusankhirathu. Ntheura, lizgu ndi lizgu liheni viŵi yayi nakwenenako, ndi ntheura? Iyo wakamanya kusankhirathu, chifukwa Iyo wakamanya awo wākenera na awo wākenera yayi. Ipo, kuti wakorepo iwo wēneawo wākenera, Iyo wakenera kupanga a-chakuphemanskira zakwananga zawo. O, usange ise tingafiska, ise tikukhumba kuti tifike ku ichi, mavesi waka ghachoko kukhira musi. Iyo wakatisankhirathu ise ku Umoyo Wamuyirayira, kumanyanga kuti iwo wēneawo wāzamusezgera kumphepete chirichose, ndipo palije kanthu kwali ichi chizamuwoneka chawakawaka uli ku wāna wā charu, ichi chizamung'anamura chinthu chimoza yayi kwa iwo, chifukwa iwo wākāwa wāna wā Chiuta. Ndipo Iyo wakawāchema iwo.

<sup>55</sup> Ndipo Iyo wakatuma Yesu, kuti Ndopa Zake ziŵe mphepisko, mphepisko ya Ndopa, kuti wapange

chakuphemaniskira, panji a—chakuwazomerezgera, panji chakuwaphotorera. Ndondomeko ya kuphotora kuti rutaruta... Nyengo waka yimoza pa chisisimus chimoza yayi, kweni “kukhalanga umoyo muyirayira, kupanganga maweyerero,” mwakuti Mukhristu wakhallenge wakuphotoka muhanya na usiku. Kuli Ndopa za Yesu Khristu izo zikupanga a—kuzomerezgeka pa mphinjika kula, pa...mu Kuwapo kwa Chiuta, izo zikutiphotora ise rutaruta, muhanya na usiku, ku kwananga kose. Ndipo ise tanjizgika makora mwenemumo. Tanjizgika uli umu? Na Mzimu Mutuwa, mu Thupi la Fumu Yesu, ndipo tavikilirika. “Iyo mweneuyo wakupulika Mazgu Ghane ndipo wakugomezga pa Iyo mweneuyo wakandituma Ine, wali na Umoyo wamuyirayira ndipo wazamunjira mu cheruzgo yayi, kweni wajumpha nyifwa wafika ku Umoyo.” Kulijeso cheruzgo! Mukhristu wakuruta ku cheruzgo yayi. Khristu wakamurutira iyo. Loya wane wakimilira mu malo ghane. Iyo wakaweyerera mlandu wane, kuti ine nkhamanyanga chirichose yayi. Iyo wakawaphalira Wadada kuti ine nkhaŵa wakwenerera yayi, kuti ine nkhamanyanga chirichose yayi. Kweni Iyo wakanditemwa ine ndipo Iyo wakatora malo ghane, ndipo wakaweyerera mlandu wane, ndipo muhanyauno ine ndine mwanangwa! Enya, bwana. Ndipo Iyo wakathiska Ndopa Zake, kuti wapereke sembe kula ya zakwananga zithu.

<sup>56</sup> Kumbukirani pa Chitatu chajumpha usiku, kulije Mukhristu... Mukhristu wakunanga, kweni wakwananga wakunanga yayi. Wakwananga wakunanga yayi, chifukwa iyo ndi wakwananga. Iyo ndi wakwananga waka kufuma pa kwamba, ndipo mbwenu kwamara. Apa, titore a—kuwaro kwa buku ili, nkhufipa, kasi kufipa nkhukuru uli pa ili? Lose ndifipa. Palije patuwâ pa ili, ili ndifipa. Imwe mukuti, “Lwandi *ili uku*.” Yayi, ndi ntheura yayi, chinthu chose ntchifipa. Lose ndifipa. Umo ndimo wakwananga waliri. Iyo ngwakususkika waka kufuma pa kwamba. Enya, imwe mukuti, “Uli usange iyo wachita chigoloro? Uli usange iyo wakolerera mwanakazi munyake? Uli usange iyo—uli usange iyo wakutchaya njuga? Uli usange iyo wakoma munthu?” Iyo ndi ntchito yithu yayi ise. Iyo ndi ntchito yithu yayi ise, ise tiri na marango kuno kuti ghagwire ntchito pa icho. Ise ndise wâkusintha vinthu yayi, ise ndise wâpharazgi wâ Ivangeli. Ise ntha tikumususka pa icho iyo wachita, ise ntha tikumususka chifukwa chakuti wachita chigoloro. Ise tikumususka chifukwa iyo ndi wakwananga! Usange iyo ndi Mukhristu, iyo wangachita yayi ichi. Uwo mbunenesko. Usange iyo wali kusinthika, iyo wachitenge yayi icho. Kweni pakuti iyo ndi wakwananga, icho ndicho chikumupangiska iyo kuchita icho.

<sup>57</sup> Apo ndipo ichi chikuwâpwetekera a—wakuruwâkuru awo wâli pasi pa marango. Enya, bwana. M’bale, reka ine

ndikuphalire iwe, “Ndi kwizira mu milimo yayi, kweni kwizira mu uchizi ise tikuponoskeka, ndipo icho ndi mwa chipulikano.” Enya, bwana. Sono, ine ndiwasuskenge yayi wabale awo wali pasi pa dango, iwo ndi wabale wane. Ndipo iwo wamkuwako kula kuyana waka naumo wanyake wose wamkuwirako kula, chifukwa Chiuta wakawukhozgerathu Mpingo Wake kuti wamkuwako kula. Kweni chinthu waka chimoza, imwe—imwe mukuwasunga wantru mu utimbanizgi ukuru, iwo wakumanya chirichose yayi. “Muhanyauno, enya, panyake usange ine—ine...” Rekani waka iwo wamanye; malinga iwo wali na njara ya charu, iwo wakawako yayi kula kufuma pa kwamba.

<sup>58</sup> Ine ntha nkukhala umoyo wakugomezgeka kwa muwoli wane chifukwa chakuti ine nkughanaghana kuti iyo wanipatenge ine. Ine nkukhala umoyo wakugomezgeka kwa muwoli wane chifukwa chakuti ine nkhumutemwa iyo. Ndi udindo wakuzomerezgeka na dango uwo ise tatora, kuti ise tikutemwana yumoza na munyake. Chakudankha, pambere ichi chindawepo, ichi chikenera kuwa chitemwa. Ine nkhumutemwa iyo. Nangauli ine nkugomezga kuti usange ine nachita chinyake chiheni, iyo wanigowokerenge ine, kweni ine nichitenge yayi ichi munthowa yiriyose. Ine nkhumutemwa iyo.

<sup>59</sup> Umo ndimo ichi chiliri na Khristu. Usange ine—usange ine nkukhala umoyo... Ine ndiri fifite, usange ine ndikhallenge umoyo kufika nayinte panji handiredi, kuwa na virimika vinyake fifite vyakuti ndipharazge; ndipo ine mbwenu nkupharazgapo yayi nyengo yimoza, kuruta kusika na kukakhala pa mronga, ine ndine wakuponoskeka munthowa yiriyose. Chiuta wakandiponoska ine mwa uchizi Wake, nkhapokera chiweme kwambula kuti nkhamanya kuchitapo chinyake, nkhamanya kuchita, panji chinyake chirichose. Ine nkupharazga chifukwa chakuti ine nkhumutemwa Iyo ndipo ine nkhuwatemwa wantru Wake. Ndipo ndicho chifukwa ine nkhumanya kuti ndiri kujumpha kufuma ku nyifwa ndafika ku Umoyo, chifukwa chakuti ine nkhuwatemwa iwo ndipo ine nkhuwatumikira iwo. Palije kanthu kwali iwo wali mu kaŵiro ka mtundu uli, ine nkhuwatumikira ndithu iwo munthowa yiriyose. Rutani mukawatore iwo munthowa yiriyose, waguzeni iwo munthowa yiriyose. Usange wapharazgi wakususka ndipo wanyake wakususka, ndipo mabungwe ghakususka, icho chikundilekeska yayi ine. Chiripo chinyake! Ichi chikamulekeska yayi Iyo! Iyo wakiza nkhanira pakati pa kuwura kugomezga, ndipo ichi chikamulekeska yayi Iyo, Iyo wakarutirira munthowa yiriyose. Ichon dicho ise tikuchita, kuruta na kukawatora iwo, wasangeni iwo munthowa yiriyose. Kwali pachitike vichi, rutani, wakokeni, koreskani na nkongono zinu zose. Imwe mukumanya yayi kasi iwo mbanjani. Wathaskeni iwo. Ichon ndi chifukwa cha chitemwa. Ntha chifukwa chakuti “Ine nkhwenera kuchita,”

kweni chifukwa chakuti ine nkhuwatemwa, chifukwa chakuti imwe mukuwatemwa.

<sup>60</sup> Mukuti, “Ine nkhwenera kuti ndirute nkhanozge chira na mwanakazi yura, kweni, ine nkhukuphalira iwe sono nthena, ine nkhusachizga kuti chifukwa icho ine nkharutira ku tchalitchi ntchakuti ine nkhwenera kuti ndirute nkhanozge ichi.” Yayi, iwe ndiwe ukwenera kuti unozgeke, chakudankha. Mukuwona? Mukuwona? Usange iwe ulije chitemwa cha Chiuta mu mtima wako, chinthu chinyake chikukupangiska kumanya kuti iwe wananga, ntheura iwe ruta—ntheura iwe ruta ukanozge ichi na Chiuta. Pamanyuma iwe unožgenge ichi na muzengezgani wako.

<sup>61</sup> Yesu wakasambizga chinthu chantheuraso. Iyo wakati, “Usange imwe mwafika ku guwa, ndipo pali a... mwakumbukira kuti mwanangirana na muzengezgani panji m’bale, rutani mukanozge ichi na iyo, chakudankha.”

<sup>62</sup> Sono, sono mu miwiro iyo yizenge. Ise pa Chitatu usiku tikaŵa na, “kuwonekera.” Ise tachitora ichi mlenji uwu, mu “kuwonekera kwa ūana ū Chiuta.” Mu mazgu ghanyake, Chiuta wakulindizga. Ndipo ntheura pa nyengo yaumaliro para ise tose tamkwimilira panthazi Pake. Wangelo ūkatayika yayi. Iwo ūazamumanya yayi kusekerera na vitumbiko ngati ndiumo ise tikuchitira, iwo ūkatayikapo yayi. Kweni ine nkhumanya kasi nkhufumirankhu, ine nkullimanya jarawe uko ine nkhafuma, wakwananga. Imwe mukumanya uko imwe mukafuma. Sono para ise tasangika, ntheura ise tingamanya kwimilira panthazi pa Chiuta. O, kasilizamkuŵa dazi uli!

<sup>63</sup> Ntheura kulereka, kukhazikiskika. Sono, Chiuta wakuchita ichi pa mlimo. Ndipo sono usange ine ningaperekira ichi kwa imwe, ntheura ise sono tiyambirenge nkhanira pa vesi 5, ine nkhukhumba kuti ndiŵazge Ichi.

*Wakati watisankhirathu ise ku kulereka nga mbana  
mwa Yesu Khristu kwa iyomwene, kwakulingana na  
urato uweme Wake Yekha wa khumbo lake,*

<sup>64</sup> Ndi urato wa Chiuta kuchita khumbo Lake, kulera, kukhazikiska. Sono kasi Iyo wakuchita vichi? Wakukhazikiska Mpingo Wake. Chakudankha, Iyo wakuchema mpingo Wake, Methodist, Prezbitere, Lutheran, Baptist, kuwachema iwo. Pamanyuma kasi Iyo wakachita vichi? Wakatuma Mzimu Mutuŵa na kuŵapa iwo ubapatiso wa Mzimu Mutuŵa.

<sup>65</sup> Ine nkhukhumba kuti mwaŵanthu imwe ū Pentekosite mufumiskemo ichi mu mitima yinu. Pentekosite ndi bungwe yayi; pentekosite ndi chakumuchitikirani. Ndi Mzimu Mutuŵa. Ndi bungwe yayi. Imwe mungauwunganiska yayi Mzimu Mutuŵa. Iyo wazomerezgenge yayi ichi. Sono imwe muli nalo bungwe ilo imwe mukulichema icho, kweni Mzimu Mutuŵa wakufumamo na kumupangani imwe kukhala nkhanira penepapo imwe muli, ndipo mukurutirira waka.

Mukuwona? Pentekosite ndi bungwe yayi; pentekosite ndi chakumuchitikirani.

<sup>66</sup> Ndipo pamanyuma Chiuta wakapereka ku wana Wake Kubabika kuphya, mwa ubapatizo wa Mzimu Mutuŵa. Iwo wakiza nkhanira kufupi ku Ichi para iwo wakati wajiphotorwa iwoŵene, mu Nazerene, Pilgrim Holiness. Pamanyuma iwo wakunjira mu chakuŵachitikira cha pentekosite, panji ubapatizo wa Mzimu Mutuŵa, kuwezgereskeka kwa vyawanangwa. Iwo wakayamba kuyowoya malilime na kutanthauzira malilime, ndipo wapika vyawanangwa vya machirisko na minthondwe, ndipo vimanyikwiro na vyakuziziswa vikwamba kuwarondezga iwo. Sono iwo ndi wana, iwo ndi wana wa Chiuta. Iwo wali mu malo ghawo mwa Khristu. Iwo wakuzgoka wana mwa Kubabika. Ndipo Kubabika kuphya na kuhenduka Ikokwene ndi Mzimu Mutuŵa.

<sup>67</sup> Imwe ndimwe wakuphenduka yayi mpaka imwe mupokere Mzimu Mutuŵa. Icho ndicho Lemba likayowoya. Yesu wakaphalira Petros, fumbani waliyose, wazgani Lemba linu, iyo wakarunjiskika pa kuchita kugomezga pa Fumu Yesu, kuŵa musambiri, mupostoli. Yesu wakamupa iyo makiyi gha ku Ufumu. Ndipo Yohane 17:17, Iyo wakawatuŵiska iwo, wakawapa nkhongono iwo, wakawatumwa iwo, wakafumiska viŵanda na vinthu, wakawatuŵiska iwo. “Watuŵiskeni iwo, Wadada, mu Unenesko Winu. Mazgu Ghinu ndi Unenesko. Ine nkhujituŵiska Ndamwene chifukwa cha iwo.”

<sup>68</sup> Ilo ndi limoza la mazgu ghakunowa chomene ine nkhapulikapo. “Wadada, Ine nkhujituŵiska Ndamwene chifukwa cha iwo.” Kasi imwe mukumanya kuti Iyo wakawa na wanangwa wakuŵa na nyumba? Iyo wakawa munthu. Imwe mukumanya chifukwa icho Iyo wakawira na wanangwa wakuŵa na muwoli? Iyo wakawa Munthu. Iyo wakawa na wanangwa ku vinthu vyose ivi, kweni Iyo wakati, “Wadada, Ine nkhujituŵiska Ndamwene chifukwa cha iwo. Ine nkhujituŵiska Ndamwene.”

<sup>69</sup> Ine nkhayowoyeskana na mupharazgi muchoko mayiro, ine namkupharazga m'malo mwa iyo mu mausiku ghachoko kumtunda uku pa msewu ukuru. Ndipo ine nkhamufumba iyo za chinthu chinyake, iyo wakati, “Enya, M'bale Branham, kweni wantru wane wanandi wakugomezga yayi icho.”

Ine nkhati, “Pafupifupi iwo wose wakugomezga marango?”

<sup>70</sup> “Enya.” M'bale wakugomezga icho yayi. “Kweni,” iyo wakati, “pa chifukwa cha iwo!” O, ine nkhakhumba kuti ndihage singo lake. “Pa chifukwa cha iwo, wonani, Ine nkhujituŵiska ndamwene chifukwa cha iwo.”

<sup>71</sup> O, Yesu wakasambizganga wanarumi thweluvu, kuti kwizira mu wanarumi thweluvu wara wakenera kuti watorere Ivangeli ku charu. Ndipo Iyo wakati, “Pa chifukwa cha iwo Ine nkhujituŵiska Ndamwene.” Jituŵiskeni mwaŵene chifukwa

cha muzengezgani winu, chifukwa cha munthu munyake. "Kugwiriska ntchito wanangwa winu kuwa chakujimpimbacha nacho yayi," wakayowoya Paulos, "kweni jituŵiskeni mwâwene!" Woneskani nkharo yiweme mu uzengenzgani, umo Mukhristu mweneko wakwenera kuchitira. Zomerezgani kudumbirana kwinu kuwe ntheura, usange imwe mwakumana na murwani winu, jituŵiskeni mwâwene chifukwa cha iyo, kwambula kumanya icho panyake imwe muchitenge.

<sup>72</sup> Sono kukhazikiskanga mwana. Chinthu chakudankha para mwana wakati wafika, iyo wakuwa mwana, kweni pamanyuma ise tikusanga kuti nkharo yake ndiyo yikumutorera iyo ku kulereka, kwali iyo wakakhala nkharo yiweme panji yayi.

<sup>73</sup> Ndipo ndi a—chipentekosite... Sono rekani ine ndimuuneskeni waka imwe kuti pentekosite ndi bungwe yayi. Kasi wa Baptist mbalinga muno awo wakawa wa Baptist, awo wakapokera Mzimu Mutuwa, rekani ise tighawone mawoko ghinu. Mukuwona? Kasi wa Methodist mbalinga muno awo wakapokera Mzimu Mutuwa, kwezgani muchanya mawoko ghinu. Kasi wa Nazerene mbalinga muno awo wakapokera Mzimu Mutuwa, kwezgani muchanya mawoko ghinu. Wa Prezibetere, awo wakapokera Mzimu Mutuwa? Mukuwona? Wa Lutheran? Mabungwe ghanyake, awo wakawa mu Pentekosite yayi, wakawa waka mu bungwe linyake, wakapokera Mzimu Mutuwa, rekani ise tiliwone woko linu. Mukuwona? Ipo ntheura pentekosite ndi bungwe yayi, ndi chakumuchitikirani.

<sup>74</sup> Sono, Chiuta wakamuŵikani imwe mu Thupi la Khristu. Sono kasi Iyo wakuchita vichi? Pamanyuma pakuti imwe mwajisimikizgira mwâwene, mwajituŵiska mwâwene na nkharo yinu yiweme, wakupulikira ku Mzimu Mutuwa, kwambula kupwerera icho charu chikayowoya.

<sup>75</sup> Ine—ine niguzumurenge ichi mwankhongo chomene, wonani, chifukwa... Ine nkhung'anamura kuwa wamtafu yayi. Ine—ine... chonde ntha—ntha—ntha ndimo ndiliri, wonani. Ntha mungaghanagananga kuti ine ndine—ine ndine wamtafu. Ine—ine nkukhumba yayi kuwa ntheura. Icho chikunidandauliska ine, ndi kuwatora wantru na kupharazga kwa iwo Unenesko uwu wakutumika na Chiuta, ndipo iwo mbwenu wârazgengeko msana na kurutirira waka kuchitanga chinthu chenechira, ndipo wakuti wali na Mzimu Mutuwa. Icho pafupifupi chikumunangani imwe, wonani. Kasi suzgo ndi vichi? Iwo wakuwerera nkhanira ku chinthu chenechira, kuyana waka na wana wa Israel, iwo wakakhumbanga fumu mwakuti fumu iyi yiŵawusenge iwo na kuwapanga iwo kuchita ngati wa Amori na wa Amaleki na wa Filisiti.

<sup>76</sup> Kasi imwe mukumanya, madona, kuti ntchiheni kuvwara tumalaya twakulangara? Kasi imwe mukumanya icho? Kasi imwe mukumanya kuti ntchiheni kuyepura sisi linu? Kasi

ukumanya kuti ntchiheni, bwana, kuti iwe urutirire kukhwewa na kuchita umo iwe ukuchitira? Kasi ukumanya kuti ntchiheni kwa iwe kuleka kuwa mfumu wa nyumba yako, muwoli wako kukwiya pachoko ndipo wakukukankhira kuwaro ndipo iwe ukuti, “Enya, watumbike mtima wako, wakutemweka, ine ndizamwizaso”? Kasi ukumanya iwe... Kasi iwe uwenge uli wachisungusungu pa Nyumba ya Yehova para iwe ukutondeka kulamulira nyumba yako wekha? Uwo mbunenesko nadi. Kasi ukumanya, mlongosi, kuti mfumu wako ndi mfumu wako pera yayi, kweni iyo ndi mulamuliri wako? Chiuta wakayowoya ntheura. Chifukwa chakuti mwanarumi wakanyengeta yayi, mwanakazi ndiyo wakanyengeta. Ndipo imwe wapharazgi mukurutirira kupanga waliska wanakazi na wapharazgi mu mipingo yinu, kumanyanga kuti Mazgu gha Chiuta ghakususka ichi.

<sup>77</sup> Imwe rutaruta mukugwiriska ntchito zina lira la “Wiske, Mwana na Mzimu Mutuwa” kuti mubapatize, penepapo kulije chigawa chimoza cha Lemba la ichi mu Baibolo. Ine nkukhumba bishopu mulara panji munyake kuti wandiwoneske ine uko munyake mu Baibolo wakabapatizika mu zina la “Wiske, Mwana, Mzimu Mutuwa.” Ine nkukhumba munyake kuti wandiwoneske munyake uyo wakabapatizika mu nthowa yinyake padera pa mu Zina la Yesu. Kweni wa Yohane ntha... wakabapatizika, iwo wakabapatizika kugomezganga kuti Iyo wakwiza, kweni iwo wakamanya yayi kasi Iyo waka wa njani. Kweni para iwo wakati wachimanya waka chira, iwo wekenera kwiza kuzakabapatizikaso mu Zina la Yesu Khristu. Ine nkukhumba munyake kuti... Ine—ine ndiri kuwafumba wa Assemblies of God, wapharazgi wanyake, Baptist, Presibitere, na lirilose. Iwo ntha, iwo wayowoyengopo yayi za ichi. Ine nkukhumba kuti ndiliwone Lemba.

<sup>78</sup> Ndipo pamanyuma ine ndine “wakunyanyira,” huh, pamanyuma ine ndine “wakutimbanizgika,” natimbanizgika malingaliro ghane, ine ndine “munthu wakufuntha,” chifukwa chakuti ine nkuyezga kumuphalirani Unenesko imwe? Sono, uwo ndi—uwo ndi unenesko, wabale. Usange munthu wajipereka kwathunthu kwa Chiuta, iwe wajipereka chose, katundu, na nkokwe. Iwe—iwe—iwe—iwe ndiwe—iwe wapatulikira pa mphepete, iwe ndiwe—iwe ndiwe chilengiwa chachilendo.

<sup>79</sup> Mbanandi wakuchemeka, mbachoko wakusoreka. Enya, wantru wanandi wakuchemeka, imwe mukuyipulika ntchemo mu mtima winu, “Enya, ine nkugomezga Chiuta wakunditemwa ine. Ine nkugomezga Iyo wakuchita ichi.”

<sup>80</sup> Kweni, m’bale, kuti, iwe uwenge wakutayika waka chomene ngati ndiumo waliri wanyake wose, chifukwa iwo wazamkwiza kula dazi lira, nanga nkuyowoyanga kuti, “Fumu, ine ndiri kufumiska viwanda mu Zina Linu. Ine ndiri kuchita chirichose

mu Zina Linu. Ine nkhaŵa na visopo vya machirisko. Ine ndiri kupharazga Ivangeli. Ine ndiri kufumiska viŵanda.”

<sup>81</sup> Ndipo Yesu wakuti, “Fumapo apa, Ine nkhukumanya yayi iwe, mupusikizgi. Ndi iyo mweneuyo wakuchita khumbo la ŵadada Ŵane!” Ŵanthu ŵakutondekerachi kuchiwona ichi? Sono, ine nkhumanya icho chikupweteka. Ndipo ine ntha—ine nkhung’anamura kumupwetekani yayi, ine nkhung’anamura ichi kuŵa mwantheura umo yayi. Kweni, m’bale, ine—ine . . .

<sup>82</sup> Chikuwoneka kwa ine ngati kuti ise—ise tiri ku nyengo yaumaliro, ndipo Chiuta wakulera, kutikhazikiska makora pa malo mu Mpingo, mu Thupi la Khristu, Lake. Sono, kukaŵa ŷanandi chomene yayi awo Iyo wakaŵikamo mula, ine ndimuphalireninge imwe icho kwamba na kwamba. Imwe mukuti, “O, enya, kuzamkuŵa chiŵerengero chikuru chomene!” Kweni Iyo wakatora virimika sikisi sauzañdi vya kuŵafumiskamo iwo, nawoso. Kumbukirani, chiwuka chikwiza ndipo ise tikukwapulikira muchanya pamoza na iwo. Ŵachoko waka ŷa iwo, wonani. Imwe penjani chiponosko chinu, mwaluwiro. Jisandenî mwâwene ndipo wonani icho chanangika. Mukuwona? Wonani waka—kasi suzgo ndi vichi. Ine nkhumanya apo mpha—apo mphanonono, kweni, m’bale, ndi Unenesko. Ndi Unenesko wa Chiuta. Kulereka!

<sup>83</sup> Ise tikwenera kuŵa ŵakufwirirapo chomene pa vya Chiuta, ise tikwenera kuti tirutenge muhanya na usiku. Paŵavye chakuti chitilekeske ise, ndipo ise tikwenera kuŵa ŷaweme chomene na ŵakutemwana chomene, na ŷachisungusungu chomene ndipo ngati Khristu mu maumoyo ghithu. Ichi chikutorera umoyo wa dazi lirilose. Yesu wakati, “Ghanaghanani za luŵazoto la ku munda, umo likukulira, kusuzgika na kunyongolokanga; kweni Ine nkhumunenerani imwe kuti Solomon mu uchindami wake wose ngwakuŵara ngati limoza lira yayi.” Solomon wakaŵa na minjilira iyo yikatoseseka na siliki na luso la kuruka na vinthu, kweni icho—icho ntha . . . icho ndicho Iyo wakayowoyanga yayi. Kuti luŵazoto likure, ili likwenera kuti lisuzgike muhanya na usiku. Kasi iwe ukukhumba kuzakawâa vichi ku umaliro uku kwa mzere? Usange ŷarunji ŷakuponosseka pulurupuluru, kasi wazamkuŵankhu wakwananga (uyo ndi wambula kugomezga) na muheni, munthu uyo wakupulika Mazgu ndipo wakukana kwenda mu Ichi? Sono kasi ise tichitenge vichi? Mukuwona? Sono kuti . . .

<sup>84</sup> Uwu ndi, sono, uwu ndi mpingo withu. Ise tiri na ŷalendo ŷanayi panji ŷankonde pakati pithu. Kweni uwu ndi mpingo, ine nkhumusambizgani imwe. Ichi chikuruta pa matepi. Ine nkhukhumba Ŵanthu awo ŷakupulikizga ku matepi, kumbukirani, ichi ntcha ku mpingo wane. Kuwaro pakati pa Ŵanthu kutali uko, yezgani kuŵa ŷakujikora chomene kuti muŵaphalire icho, kuŵa ngati mukuzomerezgana nawo mu

fundo zaho zichoko za mkaka wakumimita. Kweni para ichi chafika pa kuyowoya Unenesko weneko, tiyeni tikhazikiske Ichi.

<sup>85</sup> Kulereka, kukhazikiskika pa malo! Kasi iwo wālinkhu? Ndiwoneskeni ine uko iwo wali. Chiuta wakuchemera wana Wake pa mphepete mwakuchita kuwonekera. Iwo wākwenera kuyowoya lizgu limoza yayi za ichi, imwe mwawona chinyake chachitika. Kumukhazikiska pa malo mwana Wake, kumuŵika iyo mu dongosolo nkhanira ndendende na vinthu vyenevira. Iyo—iyo wali waka na mazaza ghakuru, mazgu ghake ghali ngati waka gha Mungelo mukuru, makorako. Mwana wakalereka, wākamuŵika pachanya, wākamukhazika kuwaro kula, wākasinta minjilira yake, wākasinta mitundu yake. Dada wakawā na mwambo, wakati, “Uyo ndi mwana wane, kufuma sono na kunthazi iyo ndi bwana. Iyo ndi mulamuliri. Iyo wali pachanya pa chiharo chane chose. Vyose ivyo ndiri navyo ndi vyake.” Uwo mbunenesko. Ntheura ise tingamanya kuwerera ku chenechira, Elah, Elah, Elohim, Elohim, wonani, uko Iyo ndi kajilengi. Ndipo pamanyuma kuwerera kwizira mwa Yehova Uyo wakapanga chinyake, Iyo wakapereka kwa munthu mazaza pa charu chapasi. Kasi ise tikulindizga vichi? Kuwonekera. Charu chikutampha. Tiyeni tifikeko ku ichi ndipo tiwazge ichi. Viri makora.

... wakatisankhirathu... ku kulereka ngati mbana  
mwa... iyomwene, kwakulingana na urato Wake  
uweme wa khumbo lake,

*Ku maru-... ku marumbo gha uchindami wa uchizi  
wake,...*

<sup>86</sup> Kasi uchizi Wake ndi vichi? Kale chomene, para Iyo wandawē Dada; uchizi Wake, chitemwa Chake, wakajipangira Iyomwene mwana, mwakuti ise tingamanya kusankhikirathu ku kulereka kwa wana, ku marumbo gha uchizi Wake. Mukuwona?

... umo iyo wali kutipanga ise wākuzomerezgeka  
mwa a—a (Munthu) wakutemweka, uyo ndi Khristu.

<sup>87</sup> Wakatipanga ise wākuzomerezgeka uli? Mwa Iyo. Kasi ise tikunjira uli mwa Iyo? Na Mzimu umoza, tose tikubapatizikira mwa Iyo. Tegherezgani.

*Mwa uyo ise tiri na uwombozi, ise tiri na uwombozi  
kwizira (m) ndopa zake, kugowokereka kwa z-a-k-w-a-  
n-a-n-g-a...*

<sup>88</sup> Kasi iwe ungapharazga uli kusankhikirathu, za kukhozgerathu kwa Chiuta na kukhazikiskanga, pekhapekha kuli mphepisko ya kwananga kumalo kunyake? Ntchifukwa uli chiri ntheura? Dazi lirilose iwe ukunangiska, dazi lirilose iwe ukuchita chiheni. Kweni usange iwe ndiwe wakubabikaso, mwanarumi panji mwanakazi, para iwe wanangiska waka, Chiuta wakumanya cuti uli na chitima chifukwa cha ichi. Iwe ungamanya kwimilira ku kuŵapo kwa—kwa Prezidenti

Roosevelt panji munyake waliyose, na kuti, "Ine ndananga, Chiuta ndigowokereni ine pa chinthu ichi." Chifukwa? Ndipo apo ndipo mphepisko ya Ndopa . . .

<sup>89</sup> Imwe wonani "z-a-k-w-a-n-a-n-g-a." Wakwananga ndi wakwananga, iyo wakuchita kwananga yayi. Kweni mpingo ukuchita kwananga, ukuchita viheni, ukuŵa na ghanoghano liheni, kughanaghana kuheni, ukukayika, pendapenda ngati kwenda kwa mwana muchoko, wakuyezga kusambira kwenda. Iyo wachali wandamanye kwenda makora, chifukwa iyo ndi mnyamata muchoko. Kweni ise tiri na Woko ilo likutifika ise usange ise . . . likutikora ise ndipo likutikhozga ise, ndipo likuti, "Yenda stepu iyi a-kurazga *uku*, wamwana." Iyo ntha wakutinyamula na kutikwapula ise chifukwa chakuti ise tangunangiska, Iyo ntha wakatithyapulira ise ku nyifwa chifukwa chakuti ise tikuyezga kwenda. Iyo wakutitemwa ise ngati ndiumo ise tikutemwera ūana ūithu.

<sup>90</sup> Wanadi, dada wanadi wangakwapula yayi mwana wake para iyo wakuyezga kuti wayende, usange iyo wawa pasi. Wakusindama nkhanira pasi na woko likuru lankhongono ndipo wakumuwuska iyo, wakumukora iyo na mawoko ghose ghawiri, wakuti, "Umo ndimo iwe uchitirenge ichi, wamwana. Yenda ngati *ntheura*."

<sup>91</sup> Umo ndimo Chiuta wakuchitira na Mpingo Wake! Wakusindama na kumuŵika iyo mu woko Lake, wakumunyamula iyo ndipo wakuti, "Yenda ngati *ntheura*, wamwana. Apa, ntha—ntha—ntha kuyowoya ichi ngati *ntheura*, yowoya ngati *Ntheura*. Sono, ine nkupwelera yayi icho mpingo ukuyowoya, icho *yu* wakuyowoya, icho *yura* wakuyowoya, iwe yowoya ngati *Ntheura*. Ngati *Ntheura*, ichi ndi Ichi! Usange Mazgu Ghane ghakupharazga Ichi, iwe ukhale nkhanira na Ichi, yenda na Ichi. Khala nkhanira na Ichi. Kupwelera yayi icho munyake wakuyowoya, khala nkhanira na Ichi. Yenda ngati *Ntheura*. Umo ndimo iwe uyenderenge masitepu ghako."

<sup>92</sup> Zakwananga zithu; mphepisko ya chitemwa cha zakwananga zithu, panji ise nthena tikaŵa nawo yayi mwaŵi. Umo ise tingakhazikikira waka pa Mazgu agho!

. . . *kwakulingana na mausambazi gha uchizi wake;*

*Uwo iyo—iyo wali kwandaniskira . . .*

<sup>93</sup> Kasi ndi vichi "kwandaniska"? O, mwe! Uko iyo wali *kwandaniskira*, "milu yikuru ya uwu."

. . . *iyo wali kwandaniskira kwa ise mu vinjeru vyose na mahara;*

<sup>94</sup> "Mahara, vinjeru vyose iyo wali kwandaniskira kwa ise." Na "vinjeru vyose," vya charu yayi. Vinjeru vya charu mbuchindere kwa Iyo, ndipo vinjeru vya Chiuta mbuchindere ku charu. Kuyana waka muhanya na usiku, chimoza chikuzomerezgana

yayi na chimoza chinyake. Kweni para zuŵa layamba kufuma ndipo nyengo yamuhanja yafika, mdima ukuchimbira kufuma malo kuruta ku malo. Ndipo para Kuŵara kwa Ivangeli kwayamba kwiza, vinthu vyose nya charu vikwamba kumara. Ndipo kasi ichi chikuchita vichi? Iyo wakwandaniska kuŵara kwa Zuŵa pa ūana Ŵake, kwendanga mu Mzimu, kurongozgeka na Mzimu wa Chiuta, kwandaniska mu uchizi Wake, na mahara ghose na vinjeru, kapulikiskiro, na kuchenjera kumanya umo ungayendera. Iwe ukuwona kuti ichi ntchiheni, ntheura chenjera na icho iwe ukuchita, umo iwe... Usange ntchiheni, ntheura chenjera nanga ndi umo ukuchifikira ichi. Mahara! Uŵe tcheru chomene, upanikizge mwakufikapo kuti ukumanya umo ukuchifikira ichi. Wakuchenjera ngati serepente, wambula kupweteka ngati nkunda. Icho ndicho Yesu wakayowoya.

<sup>95</sup> O, ivi ndi vyakuzirwa, ūabwezi! Ise tingamanya kurutirizga dazi na dazi. Kasi nviweme yayi ivi? Mahara, vinjeru, Iyo wali kwandaniskira kwa ise, kutikhutulira! Watipa ise pa spuni yayi, kweni wakatapa kuzura shovelu yikuru ndipo wakarutirira waka kuponyanga ngati ntheura. Wakandaniskira kwa ise, vinjeru na mahara gha uchizi Wake! O, uchizi wakuziziswa, umo ukunowera!

*Sono, umo iyo wali kwandaniskira kwa ise mu vinjeru  
vyose... mahara;*

*Wakati wavumbula kwa ise chamchindindi cha  
khumbo lake, ...*

<sup>96</sup> Kasi Iyo wakuyowoya kwa njani? Mabungwe? Chonde, ūabale ūane, rekani kughaghanaghana kuti ine nkhuuyuya bungwe linu, ine nkuchita yayi. Ine nkhuuyezga kumuphalirani imwe kuti ichi chikawâa chinthu chakwanangika kufuma pa kwamba. Yesu wakati, “Rutani mukapharazge Ivangeli,” ise tikaruta ndipo tikapanga mabungwe. Ndicho chifukwa ise tirije Ichi, ise tikwenda mwakurongozgeka na vinjeru nya munthu. Usange Calvin wangawuka!

<sup>97</sup> Chifukwa, ine kale chomene yayi nkhayimilira mumphepete mwa dindi la munthu wakuzirwa, wakusintha vinthu wakutchuka. Ndipo ine nkaghaghanaghana, wakawâa munthu wakuzirwa chomene iyo! Iyo wakawâa! Enya, ichi... Ine nth... Wakaŵa John Wesley. Ndipo ine nkaghaghanaghana, usange John Wesley wangawuka mu dindi ili muhanyauno na kuwona kaŵiro ka mpingo wake, iyo mbwenu wachitenge soni na zina lake. John Wesley wakaŵa munthu wauchiuta, wakumyangula ngati moto, umo iyo wakachemera ichi. John Wesley wakaŵa munthu mutuŵa uyo wakagomezga mwa Chiuta, ndipo wakenda stepu na stepu pamanyuma pa Iyo. Kweni para John wakati wafwa, iwo ūakati, “Ise tipangenge mpingo kukumbukira John ntheura ise tiŵenye na mpingo, ndipo ise tiwuchemenge uwu mpingo wa

Methodist chifukwa cha nthowa yake ya kutuwiskika pakuwa ntchito yachiwiri ya uchizi."

<sup>98</sup> Ntheura iwo wakapanga mpingo, ndipo muhanyauno wantru wa mpingo ula wakukana chirichose icho John Wesley wakagomezga. John Wesley wakapharazga machirisko Ghauzimu. John Wesley wakagomezga mu ubatipato wa Mzimu. John Wesley wakagomezga mu kuwezgereskeka kose kwa vyawanangwa. John Wesley, Martin Luther, wantru wakuruwakuru wanandi wara wakayowoya malilime ndipo wakatanthauzira. Ndipo, muhanyauno, iwe ungamanya kuyowoya malilime mu mpingo wa Methodist panji mpingo wa Lutheran, iwo mbwenu wakufumiskirenge kuwaro. Kasi chasuzga ntchivichi? Nkhanira mu nyengo apo ise tikwenera kukhazikiskikanga wantru, kasi chasuzga ntchivichi? Iwo wawikapo chinthu chinyake, chifukwa iwo wakuchimanya yayi chamchindindi cha Chiuta. Ndipo iwo wachimanyenge yayi Ichi kwizira mu seminare!

<sup>99</sup> Rekani ine ndimuważgireni waka chinyake imwe. Kasi ichi chiri makora? Viri makora. Tiyeni tijure, ine ndiri na chinyake nalemba apa. Tiyeni tiwone umo Paulos... Sono, apa, apa pali musambizgi wa Uthenga uwu. Tiyeni tirute ku Milimo 9:5, miniti pera. Tegherezgani umo Paulos wakasangira Uvumbuzi uwu, chirichose icho chikachitika. Sono, mu Milimo 9 ise tiyambe kuważga, ngati ntheura. Ili ndi gulu la Sande sukulu, ntheura tilekerengechi ise—tilekerengechi ise kuważga ichi? Rekani ine ndimanye usange ine ndiri kuwaro kwa...?....

*Ndipo Sauli, wachali kuthuta ukali... (O, muchoko yura wa mphuno yakugombereka, mukali, Muyuda wankhaza!)... kukomanga kwimikananga na wasambiri wa Fumu, wakaruta kwa msifi mulara,*

*Ndipo wakaromba kwa iyo makalata kuti warute ku Damaseko ku sunagogue, kuti usange iyo wakasangako waliyose... .*

<sup>100</sup> "Ine ndirutenge namkuwapenja iwo! Usange ine ningawasanga waka iwo, mnyamata, icho ine namuchita kwa iwo! Wonani, usange ine ningawasanga waka iwo!" Kweni iyo wakasankhikirathu!

<sup>101</sup> Kasi imwe mukumanya uli kuti nyenga wakale yura kusika uku ngwakusankhikirathu ku Umoyo yayi? Kasi imwe mukumanya uli kuti muzaghali wakale yura wakwendendeka pa msewu uyo imwe mukuleka nanga nkhumuyowyiska, kasi imwe mukumanya kuti kukorako waka chasa kuchoko na kumuchemera iyo ku tchalitchi kungamanya kupanga mutuwa wa Chiuta kufuma mwa iyo yayi, kula mu Uchindami? Para... Kasi imwe mukumanya uli kuti iyo wali yayi? Ichonidicho ise tikumanya yayi. Kweni iyo ndi ntchito yithu. Ngati mulovi uyo wakaponya mkwawo mu nyanja ndipo wakaguza, iyo wakakora

ŵachule, somba, mitondoli, nkhara za m'maji, na chinyake chirichose, kweni vinyake vya ivi zikaŵa somba. Iyo wakamanya yayi, iyo wakaponya waka mkwawo. Icho ndicho ise tikuchita. Muwoneni Paulos.

*...kuromba makalata kuti warute ku Damaseko ku masunagoge, kuti usange iyo wangasangako munyake mu nthowa iyi, kwali iwo ūwakauwa ūwanarumi panji ūwanakazi, iyo waŵamange iwo na kwiza nawo ku Yerusalem. (M'bale, iyo wakaŵa wankhaza chomene!)*

*Ndipo apo iyo wakarutanga, iyo wakafika kufupi ku Damaseko: ndipo kwamabuchibuchi kuŵara kukamuzingirizga iyo...*

<sup>102</sup> Kukiza msifi kunena ku msewu, Dokotala F. F. Jones, ndipo wakati kwa iyo, "Iwe ukukhumbikwa a—a chakukuchitikira cha ku seminare sono, mnyamata, ndipo ine nkhugomezga Chiuta wangamanya kukugwiriska ntchito iwe"? Kasi ilo lingâwa Lemba lamawokero ghakofya yayi, kuti liŵazgike ngati ntheura? Sono, icho chikuyana waka chomene... Ine nkhuyowoya icho ngati ntchezgo yayi. Icho ndicho, ise, icho chikuyana waka chomene naumo ise tikupulikira kufuma mu ichi muhanyauno. "Iwe ukumanya, mama wako wakaŵa mwanakazi muweme, ine nkhugomezga iwe ungaŵa mupharazgi muweme." Wonani icho chikachitika.

*Ndipo apo—apo iyo wakarutanga, iyo wakafika kufupi ku Damaseko: ndipo kwamabuchibuchi kuŵara pa iyo zingirizge, ungweru... (whii, chayambika chauzimu)...ungweru kufuma kuchanya:*

*Ndipo iyo wakawa pasi, ndipo iyo wakapulika lizgu likuti... Sauli, Sauli, kasi ukundizikizgirachi ine?*

*Ndipo iyo wakati, Ndimwe njani imwe, Fumu? Ndipo Fumu yikati kwa iyo, ine ndine Yesu uyo iwe ukuzikizga: ndipo ntchinonono kwa ine kulimbana na minga.*

*Ndipo iyo wakanjenjema ndipo wakazukuma ndipo wakati, Fumu, kasi imwe mukukhumba kuti ine... ndichitechi? Ndipo Fumu yikati kwa iyo, Nyamuka, ndipo ukanjire mu msumba, ndipo kwamkuphalirika chakuti iwe ukachite.*

<sup>103</sup> Ndipo ūwanthu ūwakenda nayo, ndipo ūwakarutirira, ndipo iwo ūwakasanga munthu. Anania, kusika kula, wakawona mboniwoni. Vyose vyauzimu! Ndipo Sauli wakale, munthu wakale yura wankhaza! Anania uyu wakawona mboniwoni, wakalaŵiska mu nyumba yake. Iyo wakaŵa muprofeti, mu nyumba yake wakarombanga, ndipo iyo wakawona mboniwoni. Iyo... Fumu yikayowoya kwa iyo ndipo yikati, "Kuli munthu wakwiza wakukhira na msewu uko, wachiburumutira waka ngati kasuska, ndipo zina lake ndi Sauli, iyo ndi Sauli wa ku Tarso."

<sup>104</sup> Iyo wakati, “Fumu, ine ndiri kupulikapo vinthu vikuru. Kutuma ine yayi, ine ndine mwanichi. Kutuma ine kwa iyo yayi.”

<sup>105</sup> Iyo wakati, “Kweni, wona, pa ulendo wake wakukhira, Ine nkhamuwoneska mboniwoni iyo. Ine nkhwoneka kwa iyo mu Laŵi la Moto. Ine nkhamupanga uchiburumutira umo iyo wakamanya kuŵira. Ndipo Ine nkhenera kumuburumutizga iyo na kumusasura iyo pambere Ine nindapange chinyake kufuma mwa iyo. Wonani, Ine nkhenera kusasura kusambira vyauchiuta vyake vyose. Iwe ukumanya, iyo wakaŵa—iyo wakaŵa—iyo wakaŵa munthu wakuzirwa mu umoza wa mipingo yira kunena kula. Iyo wakaŵa na mitundu yose ya madigrii, iyo wakenera kusambizgikaso yayi pa chirichose, kweni,” Iyo wakati, “icho Ine nkhenera kuchita chikaŵa kufumiskamo vyose mwa iyo.”

<sup>106</sup> Icho ndicho chikaŵako. Kukaŵa kusazgiramo vinandi yayi mwa iyo, kweni kufumiskamo mwa iyo. Ine nkughanaghana kuti ilo ndilo suzgo na âwaliska âwithu âwanandi muhanyauno; kufumiskamo mwa imwe, uko Chiuta wangamanya kuŵikamo mwa iwo Mzimu Mutuŵa. Kufumiskamo! Kula, iyo wakati iyo . . .

<sup>107</sup> Ndipo iyo wakati, “Fumu, kweni uyu—uyu—munthu uyu ndi munthu wakofya.”

<sup>108</sup> Iyo wakati, “Kweni, wona, iyo wakuomba. Sono, iwe urute ukhire na msewu unyake ndipo iwe wamkufika pa mbwiwi. Iwe ukayendere kumazere kwa mbwiwi yira, ndipo iwe ukakhire kusika. Kula kuli nyumba yituŵa, urute kwenekula ndipo ukakhung’uske pa chijaro. Iyo wagona waka mwenemula mu baraza, kula ndiko iwo âwakamusanga iyo. Ukaŵike mawoko ghako pa iyo, ukarute nayo kusika ku mronga wa Damaseko ndipo ukamubapatize iyo mu Zina la Yesu. Chifukwa, Ine nkhukuphalira iwe icho Ine ndichitenge, iyo wasuzgikenge na vinthu vinandi chifukwa cha Ine, pakuti iyo ndi thenga Lane ku Wamitundu.” Amen!

<sup>109</sup> “Enya, sono, lindizgani miniti pera, Fumu! Sono, kasi ine ndimuphalire kuti warute ku sukulu nji?” Ine ndikuphalirenge iwe icho ise tichite, tiye tiwazge Wagalatiya ndipo tifufuze. Chakurondezgako waka—chipatulo chakurondezgako kumanyuma. Tiyenijure Wagalatiya 1, ndipo tiyambire pa vesi 10, ndipo tiyenijure sukulu iyo Paulos wakarutako, seminare nji, ndipo ndi mawoko ghanjani ghakaŵikika pa iyo, ndipo, o, vyose ivyo vikachitika. Wagalatiya chipatulo 1. Kuti tisunge nyengo, tiyenijure tiyambire pa kuphenduka kwake, vesi 10.

*Pakuti kasi ine sono nkhupepeka âwanthu, panji Chiuta? panji kasi ine nkhupenja kukondweska âwanthu? pakuti usange ine nkhupenja ndithu kuti ndikondweske âwanthu, ipo ndine muteweti wa Khristu yayi.*

<sup>110</sup> O, mwe, mwe, mwe! Uli ine ndiyowoyepo waka chinyake chichoko apa pambere nindachite ichi. Wagalatiya 1, jurani chipatulo 8. Kasi mbalinga wakumanya kuti Paulos wakawa mweneuyo wakapangiska wantru wara kuti wabapatizikeso mu Zina la Yesu, Milimo 19? Nadi wakachita. Tiyeni titore waka ghachoko pachanya apa, pa 8—vesi 8.

*... nanga ndise, panji mungelo kufuma kuchanya,  
wapharazge ivangeli linyake lirilose kwa imwe padera  
pa ilo ise tiri kumupharazgirani imwe, rekani iyo  
watembeke.*

<sup>111</sup> Kasi iwe ukalitorankhu Ivangeli ili, Paulos? Vesi 9.

*... ise tikayowoyerale, ntheura ine nkuyowoyaso  
sono, Usange muntru munyake wapharazgenge ivangeli  
linyake lirilose kwa imwe padera pa ilo imwe muli  
kupulika, mukapokera, rekani iyo watembeke.*

<sup>112</sup> Usange iyo ndi mungelo mukuru, usange iyo ndi bishopu, usange iyo ndi mulawiliri mukuru, usange iyo ndi Dokotala Wakuti-na-wakuti, chirichose iyo wali, usange iyo ntha wakupharazga ubapatizo wa maji mu Zina la Yesu Khristu, ubapatizo wa Mzimu Mutuwa, ntha wakupharazga kuwezgereskeka kwa vyawanangwa, Kwiza kwa Khristu, vinthu vyose ivi, rekani iyo watembeke! Usange iyo wakuyezga kutora chirichose cha Mazgu agha apa ndipo wakuyowoya kuti ichi chikawa cha nyengo yinyake na kugwiriska ntchito ichi pa fundo yinyake yiphya iyo ise tikasambira ku seminare yinyake, rekani iyo watembeke!

<sup>113</sup> Tiyeni tirutirizge kuwazga, tiwone umo Paulos wakasangira ichi, tiwone umo, icho ine nkuyezga kuyowoya kwa imwe mlenji uwu.

*Pakuti kasi ine nkhupepeka wantru, panji Chiuta?  
panji kasi ine nkupenja kukondweska wantru? pakuti  
usange ine nkukondweska wantru, ipo ndine muteweti  
wa Khristu yayi.*

<sup>114</sup> Kasi ine niknazgenge uli chinyake, kasi vingachitika uli kuti muntru uyo wakumutemwa Chiuta, ndipo mupharazgi, chomenechomene, wakhazgenge kuchita chinyake chirichose kweni kutinkhika na wantru? Wantru wakutinkhenge iwe. Enya, iwo wakati... Yesu wakati, “Usange iwo wakundichema Ine, Mweneko wa nyumba... Ine ndine Mweneko, mukuru chomene wa imwe mose. Ine ndine Mweneuyo wangachita minthondwe yinandi na kuchita vinandi na Mzimu Mutuwa kuruska imwe mose, chifukwa Ine ndiri na uzari wose mwa Ine. Ndipo usange iwo wakundichema Ine ‘Berezebule,’ kasi iwo wamuchemeninge pakuru uli imwe? Kweni,” wakati, “rekani kughanaghanira icho imwe tuyowoyenge, pakuti muwenge imwe yayi uyo wakuyowoya, wawenge Wadada awo wakukhala mwa imwe, ndiwo wawoyoyenge pa nyengo yira.

Khalani waka makora na Mazgu.” Ndipo Iyo, para Iyo wakati wamalizga kulemba Buku, Iyo wakati, “Munthu waluyose uyo wafumiskengeko Lizgu limoza kufuma mu Buku ili panji kusazgako lizgu limoza ku Ili, chenechira chizamkufumiskikako mu Buku la Umoyo, cha iyo.” Chiuta tivwiren'i ise kuti tikhale makora na Ichi!

<sup>115</sup> Sono vesi lakurondezgako, rekani ine ndiŵazge sono, ndiŵazge mwaluwîro sono.

*Kweni ine nkhumumanyiskani... Ndikokuti, kumutorerani imwe ku cheruzgo. Ine nkhumumanyiskani imwe, wabale, kuti ivangeli ilo likapharazgika na ine likufuma kwa munthu yayi.*

Sono, nesi ine ndine wa Methodist, Baptist, Prezibetere, panji wa Pentekosite; ili likafuma kwa munthu yayi. Nesi . . .

*Pakuti ine ntha nkhopokera ili kufuma kwa munthu, nesi ine nkachita kusambizgika ichi, . . .*

<sup>116</sup> “Ine nkhopokera ili kufuma kwa munthu yayi, seminare yayi, dokotala yayi, wa vyauzimu yayi, masambiro gha ku sukulu yayi. Ine nkhopokera ili munthowa iyo yayi, ine nkhasambizga ili munthowa iyo yayi, ine nkhasanga ili munthowa iyo yayi, ili likiza kwa ine munthowa iyo yayi.” Ipo kasi ili likiza uli, Paulos?

*. . . nkhasambizgika ili, kweni mwa uvumbuzi wa Yesu Khristu.*

<sup>117</sup> “Para Khristu wakati wajivumbula Iyomwene kwa ine, kuti Iyo wakâwa Mwana wa Chiuta, para Laŵi lira la Moto likati lawa pa ine dazi lira, ine nkhati, ‘Ndimwe njani Imwe, Fumu?’ Iyo wakati, ‘Ine ndine Yesu.’”

<sup>118</sup> Sono, ine ndimuwoneskeninge imwe icho—icho chikachitika kwa iyo. Sono, sono nthena usange munthu wakâwa na chakumuchitikira, iwo mbwenu wâkhumbenge kuti wâmupe iyo virimika teni kuti wasambire Chigiriki, ndipo virimika vinyake teni kuti wasambireso chinyake, ndipo kufika nyengo yira iyo mbwenu wamara. Wonani.

*. . . nesi nkhopokera ili kufuma kwa munthu, nesi ine nkachita kusambizgika, kweni mwa uvumbuzi wa Yesu Khristu.*

*Pakuti imwe muli kupulika za kudumbirana kwane mu nyengo zakale mu chisopo cha Chiyuda, . . .*

<sup>119</sup> “Ine nkhaŵa dokotala mukuru, mnyamata. Ine nkhaŵa nacho ichi.” Iyo wakasambizgika na Gamaliel, musambizgi wapachanya chomene uyo iwo wâkâwa nayo mu charu. Kasi mbalinga wâkumanya kuti Gamaliel wakâwa yumoza wa wâkuru, wâsambizgi wâkuru chomene? Enya, bwana. “Chisopo chane cha Chiyuda, mnyamata, ine nkhasambira mwakukwanira ichi; ine nkhamanya vyose kuyowoya Chipulikano cha Wapostoli na vinthu vyose vira, imwe wonani.

Ine nkhamanya kuyowoya malurombo ghose gha mlenji na kutumbika wānthu.” Mukuwona?

*...umo kuti kujumpha muyezgo nttheura ine nkazikizga mpingo wa Chiuta, ndipo nkhauparanya uwu:*

Umo kuti ine nkayezga kulekeska gulu lira la wātuwa wākukunkhuluka! Mukuwona? Mukuwona?

*Ndipo ine nkaphindula mu chisopo cha Chiyuda...*

<sup>120</sup> “Ine nkawā munthu wakutchuka. Mnyamata, ine mwakufikapo... Ine nkaphindula, ine nkawāwoneska iwo kuti ningamanya kuwāmara iwo, chifukwa ine nkakoma Stefano na vinthu vinyake vinandi ine nkachita. Wonani umo ine nkachitira!” Umo kuti kujumpha muyezgo iyo wakazikizga!

*Ine nkaphindula mu chisopo cha Chiyuda kuruska wānandi wānthanga zane mu fuko lane ndamwene, pakuwa wakujipereka chomene ku mwambo wa wādada wāwo.*

<sup>121</sup> Sono, kumbkirani, ntha Mazgu gha Chiuta, “mwambo wa wāwiskewo,” mwambo wa mpingo, mu mazgu ghanyake. “Ine nkhusachizga ine nkawā wa Methodist wakugomezgeka, ine nkawā wa Baptist wakugomezgeka, ine nkawā wa Pentekosite wakugomezgeka.” O, imwe muli? Ine nkukhumba kuwa wa Chiuta wakugomezgeka. Enya, mphenepapo. Mukuwona? Viri makora.

*...myambo ya wādada wāne.*

*Kweni para chikati chamukondweska Chiuta, ... (o, o, Paulos, apa iwe uli) ... uyo wakandipatula ine kufuma mu nthumbo ya amama wāne, awo nanga wakandiziska ine ku charu ichi, ndipo wakandichema ine mwa uchizi wake,*

*Kuti wavumbule Mwana wake mwa ine, ...*

<sup>122</sup> Chiri uli icho? “Mzimu Mutuwa mwa ine! Chikamukondweska Chiuta kuti watore ine, uyo wakandipatula kufuma mu nthumbo yane, ndipo wakandipa Mwana, uwo ndi Mzimu Mutuwa mu kawoneker ka Mzimu, mwa ine, kuti wajivumbule Iyomwene mwa ine.” O, mwe! Whii! Ine—ine—ine nkugomezga ine nkukhumba kuti ndicemerezgupo pachoko waka.

<sup>123</sup> Wonani, reka ine ndikuphalire iwe, m'bale. Para chikati chamukondweska Chiuta! O, aleluya! Para chikati chamukondweska Chiuta! Dada mulōhev. Mama...Chiuta wakutumbike iwe, mama, ine nkuyowoya chirichose yayi kwimikana nawe. Kweni mama uyo wakamanya kalikose yayi za Chiuta kuruska umo kalulu wakumanyira kalikose yayi za skapato zakwendera mu chiwuvi. Ndipo dada uyo

wakagona pa msewu walowera. Ndipo wambula nanga ndi skapato pa kuruta ku sukulu, na sisi litali kukhira mu singo lane, ndipo waliyose wakanditinkha ine chifukwa nkhaŵa wa ku Kentucky kudera kuno mu Indiana. Ndipo umo, o, umo agha ghakaŵira mawonekero ghakununkha. Kweni chikamukondweska Chiuta! Amen! Chikamukondweska Chiuta, Uyo wakandipatula ine kufuma mu nthumbo ya amama ûvane, mwakuti Iyo wangamanya kuvumbula Mwana Wake mwa ine, pa kuchita kundipanga mupharazgi wa Mazgu, uyo wangamanya kukhala mwakunyoroka na Ichi, uyo wangamanya kuwoneska mboniwoni na vimanyikwi na vyakuzizisa na minthondwe. Ndipo, o, mwe!

<sup>124</sup> Mukuwona icho Iyo wakayowoyanga? Chikamukondweska Chiuta kuchita icho! Uli? Tegherezgani mwatcheru. “Kuti wa...” Torani vesi 16 sono.

*Kuti wavumbule Mwana wake mwa ine, mwakuti ine ningamanya kumupharazga iyo pakati pa wambula kugomezga; mwaluwiro ine nhadumbirana na mpingo yayi:*

<sup>125</sup> “Ine nkharuta kwa bishopu munyake yayi na kumufumba iyo chakuti ine nkhenera kuchita. Ine nkharuta ku thupi na ndopa yayi, mabungwe ghalighose panji chinyake chirichose yayi. Ine nkhaŵavye chakuchita chirichose na iwo. Ine nhadumbirana na thupi na ndopa yayi. Nesi ine nkharuta ku Yerusalem ku wose wâsofi wâtuŵa wâkuruwâkuru na wâsembe wâtuŵa, na wose wâra, na kuti, ‘Sono, imwe mukumanya, ine nkhaŵa na mboniwoni, kasi ine ndichite vichi na iy?’ Ine nkhwona Fumu Yesu wakutumbikika mu mboniwoni.” Iwo nthena wâkati, ‘Fumapo apa, iwe! Kasi a...Iwe mutuŵa wakukunkhuluka! Enya, ntchivichi chachitika kwa iwe?’ Yayi, ine nkhaŵa na madigrii ghawo ghose kwamba na kwamba. Nkhaŵa...”

<sup>126</sup> Ndipo Paulos wakayowoya chapadera apa, ine ningamanya kumuwoneskani imwe mu Malemba, kuti iyo wakayowoya kuti iyo wakenera kuruwa chirichose iyo wakasambira, na kuchitora ichi kuŵa kanthu yayi, kuti iyo wamanye Khristu. O!

*Nesi ine nkharuta ku Yerusalem kwa iwo weneawo wakâwa wâpostoli pambere ine ndindâwe; kweni ine nkharuta ku Arabia, ndipo nkawereraso ku Damaseko.*

*Ndipo pakati pajumpha virimika vitatu ine nkharuta ku Yerusalem kukakumana na Petros, ndipo nkakhala na iyo madazi fiftini.*

<sup>127</sup> Ndipo apo ise tikurutirizga kuŵazga, ise tikusanga kuti iyo na mupostoli Petros wâkâwa wâdawonanepo yumoza na munyake mu umoyo, wâkamanyananga yayi yumoza na munyake, wâkawonanapo yayi yumoza na munyake, kweni

para iwo âwakati âwafika pamoza iwo âwakapharazganga Ivangeli limoza. Chiuta wali nayo sukulu. Mukuwona? Enya!

<sup>128</sup> Apa pakaâwa Petros, wakimilira pa Dazi la Pentekosite, wakati, "Rapani, waliyose wa imwe, mubapatizike mu Zina la Yesu Khristu, kuti zakwananga zinu zigowokereke, imwe mupokerenge chawanangwa cha Mzimu Mutuâwa."

<sup>129</sup> Filipu wakati, "O, umo ichi chiliri chiweme! Ine nkhwenera kuti ndichitepo chinyake naneso. Kusika ku... Ine ndiri na ntchemo kusika ku Samaria." Nkharuta kusika kula ndipo nkachitira ukaboni mu msewu. Chinthu chakudankha, munthu murwari wakiza, nkhaâwika mawoko pa iyo, ndipo wakayamba kuzuntha na kuduka. Wakati, "Uchindami kwa Chiuta, apa ise tiri!" Tikayamba kuâwa na ungano ukuru. Iyo wakati, "Imwe mose mukukhumbikwa Mzimu Mutuâwa." Iyo wakati, "Icho imwe mukwenera kuti muchite, imwe mukwenera kuti mubapatizike mu Zina la Yesu." Ntheura iyo wakaâwatora iwo, waliyose, kuwaro kula ndipo wakaâwabapatiza wose mu Zina la Yesu. Wakati, "Zanga, Petros, âwika mawoko ghako pa iwo sono." Ndipo iwo âwakapokera Mzimu Mutuâwa.

Petros, uko ku nyumba ya Koneliyo, chinthu chenechira.

<sup>130</sup> Paulos wakaâwa wandamuwonepo iyo panji kupulikapo chirichose za iyo. Kwени iyo wakajumpha ku mphaka za kunena za Efeso, ndipo iyo wakusanga âwasambiri âwanji. Iyo wakasanga mupharazgi wa Baptist, iyo wakaâwa, Apolo, mumanyi malango wakuphenduka, wakusambira, wamahara, kutoranga Chipangano Chakale na kusimikizgira na Ichi kuti Yesu wakaâwa Mwana wa Chiuta. Enya, bwana, iyo wakaâwa munthu wakusambira. Ndipo iwo âwakachemerezganga, iwo âwakaâwanga na chimwemwe. Baibolo likayowoya ntheura. Wâzgani chipatulo 18 na 19 cha Milimo ndipo muwone usange uwo ndi unenesko yayi. Iwo âwakaâwanga na chimwemwe, iwo âwakavinanga mu Mzimu, na kuchimbiranga palipose zingirizge, imwe mukumanya. Paulos wakati, "Kwени kasi imwe muli kupokera Mzimu Mutuâwa kufuma apo mukagomezgera?"

<sup>131</sup> Ndipo kwa imwe âwabale âwa Baptist imwe mukuyezga kukakamizga icho ku chigolomiro cha âwanthu, ndipo mukati la Chigiriki la lakudankha likati, "Kasi imwe mukapokera Mzimu Mutuâwa kufuma apo, panji para imwe mukati mwagomezga?" Ine nkhumubecherani imwe kuti mwize nalo kwa ine la Chigiriki! Ine ndiri na la Chigiriki cha pakudankha mu ghane ndamwene. Ine ndiriso na la Aramaic, na la Chihebere, naloso. Lirilose la igho likuti, "Kasi imwe mukapokera Mzimu Mutuâwa kufuma apo imwe mukagomezgera?"

<sup>132</sup> Mwa chipulikano imwe mukuponoskeka, icho ndi chipulikano chinu mwa Chiuta. Ndopa zikumusungani imwe âwakuphotoka ku kwananga, chifukwa izi zikupanga sembe. Ndopa zikumuponoskani yayi imwe, Ndopa zikumusungani

imwe wakuphotoka. Kasi imwe mukuyowoya kuti mukaponoskeka uli? Mwa chipulikano imwe mukuponoskeka, ndipo icho ndi mwakumanyirathu kwa Chiuta, wakumuchemani imwe. Imwe ndimwe wakuponoskeka, ndipo Ndopa zikupanga mphepisko, rutaruta kumusungani imwe wakuphotoka. Ndipo ntheura na Mzimu umoza imwe mukubapatizikira mu Mzimu Mutuŵa, mu wenenawene wa wakugomezga, na mu wenenawene wa Mzimu Mutuŵa, kuti murongozgeke na Mzimu, kuchitanga vimanyikwiro, vyakuzisawa.

<sup>133</sup> Lindizgani, chikwiza, nkhlindizga chinyake, mwapachoko waka ise tichisangenge ichi, nkhwogomezga ise tichitenge munthowa yiriyose. Ine nangumuphalirani imwe kuti mundikumbuske ine pa nyengo iyi, yanguŵa iyi yayi? Vyanguchitika waka kuti ine nangulaŵiskapo pa iyi. Mbwenu waka—lizgu waka limoza panji ghawiri ghakusazgirapo. Waka a... Ichi ndi—ichi mwakurutirirako pachoko.

<sup>134</sup> Kasi chiponosko ichi chikuzakamara pauli, mpaka pauli? Kasi ichi ntchiponosko cha mtundu uli? Kufuma mpingo kufika ku mpingo? Kufuma... Tiyeni tijure ku Wahebere 9:11, miniti pera, waka—kuti tilawiske waka kuti tiwone mpaka pauli, pa maminiti ghachoko waka. Tijure Buku la Wahebere ndipo tiyeni—tiyeni tiwone kasi chiponosko ichi chizamkufika mpaka pauli. Tiwone kasi ndi chiponosko cha mtundu uli. Tiyeni tiwazge sono Wahebere 9:11.

*Kweni Khristu pakuŵa msofi mukuru wa vinthu viweme ivyo vikwiza, kwizira mu mukuru na kachisi wakufikapo nkhanira, wakupangika na mawoko yayi, ndiko kuyowoya kuti,... (sono uyu ndi musambizgi mweneyura, Paulos, wonani)... ntha wa nyumba... nyumba iyi;*

*Nesi na ndopa za mbuzi panji mathole, kweni na ndopa zake yekha iyo wali kunjiramo kamoza (kasi ndi kalinga? Kamoza!) kufika ku malo ghatuŵa, wakati wasanga... (chiponosko cha sabata yimoza, chiponosko kufika ku chisisimus chinyake? Cha mtundu uli?)... uwombozi wamuyirayira wa ise.*

<sup>135</sup> Kasi lizgu lakuti “Muyirayira” likung’anamurachi? Mwa Khristu, pamanyuma pakuti ine nagomezga... Kulije munthu wangamuchema Yesu kuti, “Khristu,” kweni mwa Mzimu Mutuŵa pera. Ipo kuli magulu ghatatu gha wantru: wambula kugomezga, wakujipangiska kugomezga, na wakugomezga. Kweni iwo weneawo wali kugomezga kufika ku Umoyo Wamuyirayira, wali kunjira mu vipinda.

<sup>136</sup> Torani kachisi wakale, kasi chinthu chakudankha iwo wakachita chikaŵa chivichi? Wakanjira mu vipinda, Wamitundu. Chakurondezgako chikaŵa guwa la mkuwa, uko iwo wakachapa sembe pa ngwembe ya golide. Chakurondezgako

chikawâ kukoma sembe, na kuwazgira ndopa pa guwa. Ntheura, kamoza pa chirimika, Aaron wakuphakazgika, o, (na vichi?) na mafuta gha Luâ Liswesi la ku Sharon, na mafuta ghamtengo ukuru agho ghakawâ na vyakununkhira mwa igho, iwo âwakapungulira agha pa mutu wake, agha ghakakhilira musi mu mphepete mwa minjilira yake. Wonani umo munthu yura wakachitira pakunjira kuseri kwa vyakutchinga vira, kamoza pa chirimika, wanyamula kunthazi kwake ndopa za kukawazga pa Mpando wa Lusungu. Ndipo iyo wakaruta na ndodo yake mwenemula chirimika chimoza ndipo wakayiruwa iyi. Para iwo âwakati âwamererako kukayitora iyi, iyi yikawâ kuti yaphuka ndipo yikapanga maluwâ. Ndodo yakale iyo wakanyamula panyake virimika fote mu mapopa, yikakhala mu Malo Ghatuâ ghara! Wonani, para iwo âwakati âwatora ndopa zira za phangano, ndopa, iyo wakaphakazgika. Ndipo iyo wakavwara vyakuvwara ivyo vikawâ na mabelu ghachokoghachoko mwa ivi, chibekete na belu. Ndipo munthu yura wakenera kwenda mu kachitiro kakuti nyengo yiriyose para iyo wakasuntha rundi lake, ndipo wakenda ngati *ntheura* ndipo wakenda stepu yake, iwo âwakati “Mutuâ, mutuâ, mutuâ, kwa Yehova. Mutuâ, mutuâ, mutuâ, kwa Yehova. Mutuâ, mutuâ, mutuâ, kwa Yehova.” O, mwe!

<sup>137</sup> Kasi ine nkhuyowoya vichi? Pulika Ichi, Branham Tabernacle! Iwe ukawâ nawo mwaâi wako. Para munthu waphakazgika na Mzimu Mutuâ, kuti walerekere mu banja la Chiuta, kuti wakhazikiskike pa malo na Wiske, na kumukhazika pa mlimo kuwaro uku, mu chirato chake cha umoyo, panji icho Chiuta wali kumuchemera iyo, kwenda kwake kukwenera kuâa kwakuti “Mutuâ, mutuâ, mutuâ, kwa Yehova. Mutuâ, mutuâ, mutuâ!”

“O, iwe ukwenera kuti utembenkire kumphepete ku *ichi* na kuâa...”

“Mutuâ, mutuâ, mutuâ, kwa Yehova.”

“O, iwe ukwenera kuti ugomezge chose icho mulara wakayowoya, *ichi*.”

<sup>138</sup> Kweni, “Mutuâ, mutuâ, mutuâ, kwa Yehova.” Rekani Mazgu Ghake ghawé chakudankha, rekani Igho ghawé chirichose icho chiriko, ghanjire, ghakhazikike mu mtima winu! Kwenda kwini kukwenera kuâa mu Mazgu. “Mutuâ, mutuâ, mutuâ, kwa Yehova.”

<sup>139</sup> “O, usange iwe ungiza waka kudera kuno! Ine ndikuphalirenge iwe icho ise tichitenge, ise tikumanenge, tikuâwengenje iwe mu bungwe lithu, iwe uwêngé munthu wapachanya.”

<sup>140</sup> “Mutuâ, mutuâ, mutuâ, kwa Yehova. Mutuâ, mutuâ, mutuâ, kwa Yehova,” kurutiriranga. Chikupanga mphambano yiriyose yayi icho munyake wakuyowoya!

<sup>141</sup> “Wezga matepi agha! Chita *ichi*, chita *ichi*, chita *icho*, chita *icho*, *chinyake*.”

<sup>142</sup> “Mutuŵa, mutuŵa, mutuŵa, kwa Yehova.” Iwe wadodoliska maso ghako ku Mphinjika, ndipo kulije chirichose chikutondeskenge iwe! Mendero ghako ghekha gha umoyo wako, iwe ukwenda pa Gurwe wa Fumu, waphakazgika na Mafuta ghaweme ghakuphakazgira, ukunjira mu ghatuŵa gha Kutuwisiska. Whii! Amen. Viri makora.

<sup>143</sup> Paulos wakati iyo wakapokera Ichi kufuma kwa munthu yayi. Sono kasi iyo wakuti vichi, tiwerere ku Wagalatiya, chisambizgo chithu. “Wakati wavumbula kwa ise chamchindindi cha khumbo Lake.” Kasi khumbo Lake ndi vichi? “Wakavumbula vyamchindindi nya khumbo Lake.” Imwe mwaŵeneimwe mukulemba, vesi 9. Sono ine ndifulumizgenge chomeniko na kumalizga ichi, chifukwa nyengo yatimalira.

<sup>144</sup> O, Lizgu lirilose liri waka a....?...O, Lizgu lirilose ndakuzirwa. Iwe ungamanya kutora waka Ili na kurutirira kulitoweska Ili. Iwe ungamanya kujima, ine ningamanya.... Iwe ungamanya kutora limoza la Mazgu ghara kula, kuruta nalo ili ku Genesis na kulitoweska ili, kuruta nalo ili ku Exodus na kulitoweska ili, iwe ungamanya kuruta nalo ili ku Leviticus na kulitoweska ili, ndipo, pa nyengo apo iwe ukufika ku Chivumbuzi, Ili lose ndi Yesu! Amen. Iwe ungamanya kulitoweska waka chomene umo iwe ungakhumbira, ili liwenge Yesu para iwe wafika ku—para iwe wafika ku Chivumbuzi. Pakuti, Iyo wakati, “Ine ndine Iyo uyo Wakâwako, Uyo Waliko, ndipo Wati Wizenge. Ine ndine Msisi na Mphapu ya David, Nyenyezi ya Mlenji. Ine ndine Alfa, Omega.” Icho ndi A na Z mu alifabeti wa Chigiriki. “Ine ndine kufuma A kufika Z. INE NDINE! Ine ndine Vyose-mu-vyose.” Uwo mbunenesko. “Ine ndine Iyo uyo wakâwa wamoyo ndipo nkhofwa, ndipo ndine wamoyo muyirayira. Ine ndiri na makiyi gha nyifwa na gehena.” O, mwe! Chiduswa chirichose iwe utorenge apa na kwamba kuchitoweska ichi, ichi chimalirenge nkhanira mwa Yesu.

<sup>145</sup> Sono, mu kanyengo waka kachoko ndipo pamanyuma ise a—is a—is a—is a, ise tilekezgenge. Enya. Kasi ise tikulindizga vichi, pamanyuma? Kasi imwe mwapukwa vichi mu ungano uwu kuno? Kasi chirato cha uwu ntchivichi? Kasi charu chikutampha chikukhumba vichi? Kasi mabomba gha atomiki ghakulindizga vichi, kasi tudikitiduki na tuchokotuchoko tukuchitachi? Ndipo, o, kasi chose ichi ntchivichi?

<sup>146</sup> Jurani, Waroma 8, miniti pera. Kasi ichi chikulindizga vichi? Kasi chose ichi chikulindizga vichi? Kasi nyengo yiri vichi? Waroma, chipatulo 8, ndipo tiyeni tiyambepo ndipo tiwazge pafupifupi, o, ine ndiyowoye kuti eyiti—. Tiyeni tiyambire chamudera mu nayini—. vesi 19, ndipo mbwenu—tiwazge waka apa kuti tipange ichi, kupanga ichi chipulikikwe makora.

Uwo mbunenesko. Ine nkhumanya uko imwe mukurazga kula. Viri makora. Waroma, chipatulo 8, nkugomezga ine nafikapo sono. Enya, bwana. Chipatulo 8, ndipo tiyeni tiyambire apa chamudera mu vesi 18. Tiyeni tiyambire waka pa vesi 14.

*Pakuti wose awo wakurongozgeka na Mzimu wa Chiuta, iwo ndi...wana wa Chiuta.* Uwo mbunenesko.

*Pakuti imwe muli kupokera mzimu wa uzga yayi kamozaso kuti muwopenge; . . .*

<sup>147</sup> “O, nkhumanya yayi usange ine ningarutirizga waka. Oooo, usange ine ningarutirizga waka sono!” Kurutirizga chinyake yayi! Ntha ndikuti kwali ine nangurutirizga, ichi ndi kwali Iyo wangurutirizga. Ine ndiri mwa Iyo sono, wonani.

<sup>148</sup> Enya, imwe mukuti, “Enya, usange ine ndiri mwa Iyo!” Sono imwe—imwe wa Prezibetere mukuti, “Ah, ise nyengo zose tikagomezga Ich.” Kweni umoyo winu ukusimikizgira kuti imwe mukuchita yayi, pekhapekha imwe mwende mtundu wa umoyo uwo Iyo wakenda, imwe mugomezge Ivangeli leneilo Iyo wakapharazga.

<sup>149</sup> Iwe ukuti, “Ah,” wa Baptist wakuti, “nadi, ine nkugomezga mu chivikiliro cha Muyirayira.” Ndipo wakuruta kuwaro uku na kuhkweŵa ndudu na kuruta ku madansi, ndipo wânakazi wâkudumura sisi lawo, wâkuphoda nkhopre zavo ndipo wâkuchita ngati kuti ine-ntha-nkhumanya-kalikose? Vipaso vyako vikusimikizgira kuti iwe ukugomezga yayi Ichi.

Para ine nkhati, “Kasi iwe ukugomezga mu machirisko Ghauzimu?”

“O, Dokotala Jones wakayowoya kuti ichi chikaŵa *ntheura*, mula mukâŵa mu mazuŵa ghakale.”

<sup>150</sup> Sono, mupusikizgi iwe! Kasi suzgo ndi vichi na iwe? Iwe mwana wachitima wakupusikika. Iwe uli kutali chomene na Ivangeli mpaka ichi ntchasoni. Iwe waphatira pa msewu unyake wa mathope pa unyakasi unyake wakusunkha josi. Kasi iwe ukuwona yayi apa icho Iyo wakayowoya? Kuti, mzimu uliwose uwo ukuyowoya kuti Yesu wandafike mu thupi sono nthena, ndi mzimu uheni. Baibolo likayowoya kuti Yesu Khristu ndi mweneyura mayiro, muhanyauno, na muyirayira. Ich Iyo wakayowoya kale, Iyo wali sono, Iyo wali ntheura nyengo zose. Tegherezgani waka.

*Pakuti imwe ntha muli kupokera mzimu wa uzga kuti muwopenge; kweni imwe muli kupokera Mzimu wa a-...[Gulu likuti, “Kulereka.”—Munozgi]*

<sup>151</sup> Sono, pamanyuma pakuti iwe walereka, viri makora, pamanyuma pakuti iwe walereka. Iwe wakhazikiskika, ntheura iwe ukupulikiska, pamanyuma pakuti pa mwambo payowoyeka kuti iwe waŵikika mu Thupi makoraghene. Iwe ndiwe mwana mwanarumi, nadi, mwana mwanakazi, para iwe wababikaso

iwe ndiwe icho, uko ndi kubabika kwako. Kweni sono iwe wakhazikiskika pa malo.

Ise ntha tiri *kupokera mzimu wa wofi; kweni ise tiri kupokera Mzimu*, ise tiri *kupokera Mzimu wa kulereka, na cheneicho ise tikuchemerezga, Abba, Wadada*. Cheneicho chikung'anamura, “Chiuta wane.” Viri makora.

*Mzimu iwowene ukuchitira ukaboni na mzimu withu, kuti ise ndise—ise ndise wana wa Chiuta:*

<sup>152</sup> Kasi chikuchita uli ichi? Imwe mukuti, “Uchindami kwa Chiuta! Aleluya! Ichi chikundisuska yayi ine, ine ndine mwana wa Chiuta,” ndipo ukuruta kuwaro na kuchita vinthu ivyo iwe ukuchita? Mzimu wa Chiuta uchitenge milimo ya Chiuta.

<sup>153</sup> Yesu wakati, “Iyo uyo wakugomezga pa Ine, milimo iyo Ine nkhuchita wazamuchita nayoso.” Mukuwona? Mukuwona?

<sup>154</sup> Usange—usange—usange—usange munthavi uwu wameru ndipo wapambika chiskango cha magirepi, ndipo umoza unyake wameru ndipo wapambika chiskango cha majungu, pali chinyake chakwanangika. Mukuwona? Ndi mpingo wakubambikika, ndi munthavi wakubambikika, ndi munthu wakubambikika. Usange munthu na bungwe linyake, wali mu bungwe ndipo wakujichema iyomwene Mukhristu, ndipo waliye Mzimu Mutuŵa ndipo wali na Nkhongono ya Chiuta na vinthu vyose ivi . . .

<sup>155</sup> Sono, usange iwe waruta kuwaro uku na kuchita ngati gulu la awâ wanguroŵera, chifukwa chakuti iwe ukayowoya malilime. Ine ndiri kuwonapo viŵanda vikuyowoya malilime. Enya, bwana. Ine ndiri kuwiwona vikuvina mu mzimu, na kuchemerezga na kufuma mphovu ku mlomo, na chinyake chirichose, na vyose vira. Ine ndiri kuchiwona icho. Ine ndine a . . . Ine nkhuyowoya za icho yayi. Ine nkhuyowoya za Mzimu wa Chiuta.

*Mzimu iwowene ukuchitira ukaboni na mzimu withu, kuti ise ndise . . . wana wa Chiuta:*

*Ndipo usange ndise wana, wâhaliri; wâhaliri wâ Chiuta, . . . wâhaliri pamoza na Khristu; usange tiri nttheura . . . kuti ise tikusuzgika pamoza na iyo, mwakuti ise panyake . . . kweniso tikuchindikikira pamoza.*

*Pakuti ine nkhutora kuti kusuzgika . . .*

<sup>156</sup> Tegherezgani waka ku ichi. O, usange ichi ntchiweme yayi!

*Pakuti ine nkhutora kuti kusuzgika kwa nyengo yasono iyi nkhwakwenerera yayi kulinganizgika na uchindami uwo uzamkuvumbukwa mwa ise. Mwa ise!*

*Pakuti kuhazga kukuru kwa chilengiwa . . .*

<sup>157</sup> Ili likuchema apa, pali lichoko—pali lizgu lichoko apo, kamalo kachoko kakuwâzgika, “chilengiwa” kali nkhanira, mu Chigiriki.

...kukhazga kwa chilengiwa, chilengiwa  
chikulindizga kwiza kwa kuwonekera kwa wana wa  
Chiuta.

<sup>158</sup> Kasi chose chikulindizga vichi? Kasi chilengiwa chose chikulindizga vichi? Kuwonekera kwa wana wa Chiuta. Chikulindizga Mpingo kuti ufile mu malo ghake. Kasi Mwana wa Chiuta wakâwa njani, para Adam, kasi chigâwa chake chikâwa nkhu? Charu chapasi. Iyo, iyo wakâwa na chigâwa pa charu chapasi. Ndi unenesko uwo? Iyo nthâ wakâwa Elah, Elah, Elohim nyengo yira; Iyo wakâwa Yehova. Mukuwona? Ndiko kuti, “Ine ndine Chiuta, ndipo Ine napanga wanyake wachokowâchoko pasi pa Ine. Ndipo Ine naâwapa iwo mazaza. Ndipo mu chigâwa chawo, mazaza pasi pa iwo, ndi charu chapasi.” Munthu wakâwa na mazaza pa charu chapasi. Ndipo chilengiwa chose chikulindizga kuwonekera kwa wana wa Chiuta. O!

Ise tikulindizga kwiza kwa dazi liweme lira la mileniyamu,  
Apo Fumu yithu yakutumbikika yizamkwiza na kutora Mkwatibwi Wake wakulindirira;  
O, charu chikutampha, kulirira dazi lira la kusutulika kuweme,  
Apo Muponoski withu wazamkwizaso pa charu chapasi.

<sup>159</sup> Ndi unenesko uwo? Kulindizganga. Chiuta wakuyezga kukhazikiska mpingo Wake mu malo, kuti wajiwoneske Iyomwene, kutora yumoza uyo Iyo wangamanya kuteŵeteramo ngati ntheura, kuti, “Apo pali Mzimu Wane ukwenda mwakumasuka. Ichi chiri apo. Kuti, kuti, Ine—Ine ningamanya kuteŵêta.” Uku, wakutora munyake kudera uku ndipo wakumukhazikiska iyo, “Ine ningamanya kumukhazikiska iyo.” Kulereka, kukhazikiskika, kuwonekera, kumutorera kuwaro uku na kumupangira mwambo iyo, kumuchezgera iyo na Mungelo, kumuphalira chinyake iyo. Sono, usange iyo waphalirika unenesko! Sono usange iyo wakujikhungulufya waka, ichi chigwirenge ntchito yayi. Yayi, yayi, icho—icho chigwirenge ntchito yayi, ise tikaŵapo navyo vinandi via ntheura. Kweni ine nkhang'anamura—kweni ine nkhang'anamura kuwonekera kwa wana wa Chiuta, para Chiuta wakuiwoneskera Iyomwene ndipo Iyo wakumutuma iyo. Ndipo ntheura iyo wakuruta, ndipo icho iyo wakuyowoya ndi Unenesko. Icho iyo wakuchita ndi Unenesko. Icho iyo wakuchita, iyo wakuwoneskera Khristu. Kasi imwe mukumweruzga uli iyo? Na umo iyo wakukhalira na Mazgu, nkhanira na Mazgu. Wonani, umo ndimo imwe mukuwâmamayira wanthal wose, ndi

umo iyo wakukhalira na Mazgu. “Usange iwo wakuyowoya kwakulingana na Mazgu yayi, mulije Umoyo mwa iwo,” likuyowoya Baibolo. Mukuwona? Warekani iwo.

<sup>160</sup> Sono tiyeni tiwazge, pamanyuma ise—ise tikwenera kuti tilekezge, chifukwa nyengo yithu yikutimalira. Viri makora, mu vesi 10, panji vesi 9, mphanyiko.

*Wakati wavumbula kwa ise chamchindindi cha khumbo lake, kuti watilere ise, kwakulingana na urato wake uweme uwo iyo wali kusimikizga mwa iyomwene:*

<sup>161</sup> Iyo wakagamura ichi Iyomwene, pambere charu chindaŵeko. Kasi mbalinga wakupulikiska ichi? Mukuwona?

*Kuti mu ulinda . . .*

<sup>162</sup> O, mwe, apa ise tafikaso! Huh! O, tiyeni—tiyeni—tiyeni tijumphe waka ichi, wonani.

*. . . ulinda wa uzari wa nyengo . . .*

<sup>163</sup> Kasi imwe mukugomezga mu maulinda? Baibolo likayowoya nttheura, “Mu ulinda wa uzari wa nyengo.” Kasi uzari wa nyengo ndi vichi? Ukaŵako ulinda wa, enya, ukaŵako ulinda wa Dango la Mosaic. Ukaŵako ulinda wa—wa—wa Yohane Mubapatizi. Ukaŵako ulinda wa Khristu. Ukaŵako ulinda wa bungwe la mpingo. Ukaŵako ulinda wa kupungulika kwa Mzimu Mutuŵa. Sono ndi ulinda wa kulereka, icho charu chikulindizga, chikutampha. “Ndipo para uzari wa nyengo wafika, para ulinda wa uzari wa nyengo.” Kasi uzari ula wa nyengo ndi vichi? Para wakufwa wawuka, para urwari wamara, para a . . . para charu chapasi chose chaleka kutampha. “Uzari wa ulinda wa nyengo.” Wonani ichi.

*Penepapo mu ulinda wa uzari wa zinyengo kuti iyo wangamanya kuwunganiska vinthu vyose mu yumoza mwa Khristu, . . .*

<sup>164</sup> Kasi ndimwe wakukondwa yayi? Kasi Iyo wachitenge uli ichi? Kuwunganiska pamoza vinthu vyose mwa Njani? [Gulu likuti, “Khristu.”—Munozgi] Kasi imwe mukunjira uli mwa Khristu? [“Na Mzimu umoza.”] Na Mzimu umoza ise tose tikubatapatzikira mu [“Thupi limoza”] Thupi limoza. Ndipo Thupi lira ndi Thupi la Njani? [“la Khristu.”] Layeruzgika kale. Iyo wakatora cheruzgo chithu. Nttheura kasi ise ndise njani? “Para Ine nkhuwona a [“Ndopa.”] Ndopa, Ine ndimujumphilireninge imwe.” Nyengo yiriyose para Iyo wakulawiska Thupi, kula Ili liri chikhaliire kula, chee. Ine ndiri mwenemula munthowa uli? Mzimu Mutuŵa. Iyo wakujumphapo waka. O, mwe!

*Ndipo para uzari wa ulinda wa nyengo, mwakuti iyo wangamanya kuwunganiska pamoza . . . vinthu vyose mwa Khristu, vyose ivyo viri kuchanya, . . .*

<sup>165</sup> Sono usange imwe mukukhumba kuti tuyowoye za zina, ise tiyambengeko waka pa ichi sono nthena pa kanyengo. Banja lose la kuchanya likuthyika vichi? [Gulu likuti, “Yesu Khristu.”—Munozgil] Banja lose pa charu chapasi likuthyika vichi? [“Yesu Khristu.”]

<sup>166</sup> Muli wānakazi wānyake wāweme muno, wāweme, wāsambazi, dona mweneko, madona. Pali Mrs. Branham yumoza, Mrs. William Branham, iyo ndi muwoli wane. Iyo wakuruta ku nyumba na ine. Wonani, mwaŵanyake mose imwe mukuruta na wāfumu wīnu.

<sup>167</sup> Kuli Mpingo ukuru wamoyo umoza wa Chiuta wamoyo, Uwu ukumanyikwa na Zina Lake, Uwu ngwakuzuzgika na Mzimu Wake. Uwo mbunenesko. Ine ntha nkuyowoya kuti . . .

<sup>168</sup> Ine nkhususka yayi milimo yiweme, ine nkhususka yayi vipatala vyawo na vinthu viweme iwo wākuchita. Ine nkughanaghana kuti icho ntchiweme, ndipo ndi vitumbiko vya Chiuta ku wākavu, wānthu wākusuzgika. Ine nkhususka yayi vinthu vinyake vyose ivyo iwo wākuchita. Ntchiweme, icho chiri waka makora. Ndipo mabungwe ghawo ghakuru na mamiliyon dolazi, ine ningatemwa kuwona icho kuruska malo ghakumwerapo moŵa pa kona, nyengo yiriyose. Ine nkhuŵachindika nadi iwo ngati wāpharazgi wākwimilira pa gome.

<sup>169</sup> Kweni para chafika pa kuwunganama pamoza pa umaliro wa ulinda, kuzamkuŵa kulindizga kuwonekera kwa wāna wā Chiuta, mu ula uli . . . mwakuti Iyo wangamanya kuwunganiska wose pamoza, wose awo wāli kunjira mwa Khristu. Khristu ndi vichi? Kasi mbalinga . . . Kasi ise tikunjira uli mwa Iyo? 1 Wākorinte 12, “Na Mzimu umoza ise tose tikubapatizikira mu Thupi limoza, ilo ndi Thupi la Khristu, ndipo tikuzgoka wākusangana na chawanangwa chirichose na chinthu chirichose chiweme icho Iyo wali nacho.” Ndi unenesko uwo? “Ndipo charu chose chikutampha, chikulira, kulindizganga kuwonekera kuti para Khristu na Mpingo Wake wāzamulumikizana pamoza.”

*Mwakuti . . . ulinda wa uzari wa nyengo . . .  
kuwunganiska pamoza mu yumoza . . . wose mwa  
Khristu, wose awo wāli kuchanya, na mu charu chapasi;  
ndipo nanga ndi mwa iyo: . . . charu chapasi; nanga ndi  
mwa iyo:*

*Mwa uyo . . . ise tiri kusanga chiharo, . . .*

<sup>170</sup> O, M'bale Neville, undigowokere ine chifukwa cha kutora nyengo iyi. Ine . . . lizgu lira lakuti “chiharo.” O-o-o-o! O, ichi chikwenera kuchitika! O-o-o-o! Ine nkhumanya Iyo . . . Ndi M'bale wane wapachibale. Ine ntha . . . Ine nkugomezga kuti ndiri wakuzerezeka yayi. Ine—ine—ine waka . . . Ine ntha nkughanaghana kuti ine ndiri. Kweni, o, mwe! Chivichi? “Chiharo.” Ise tasanga chiharo. Munyake wakwenera

kuti wamusidireni chinyake imwe. Chiuta, pambere charu chindawéko, wakamusidirani chinyake imwe. Zina lakulembeka pa Buku, kuti para Mwanamberere wakukomeka imwe muzamkumanyikwa pamoza na Uyu. O! Tiyeni tichisungire icho ku usiku uwu. Tiyeni tirutirizge waka kuwazga pachoko. Mwe, mwe! Kasi ise tifikengeko uli ku vesi 3 usiku uwu, panji chipatulo 3? Ise tindamalizge nanga ndi mavesi ghanayi panji ghankonde kufuma pa ichi. Sono ise tiri pafupi kuti tijare, munthowa yiriyose, ine ndiwazge waka ichi ndipo tijare.

*Mwa uyo ise tiri kusanga chiharo, pakuwa . . .*

<sup>171</sup> Vichi? Kasi tikuchisanga uli chiharo ichi apa? Kasi ise tikuchisanga uli ichi? Chifukwa chakuti ise tikenda mwakunyoroka? Kasi ise tikuchisanga uli chiharo ichi? Chifukwa chakuti ise tikasankhikirathu. Amen. Whii! Wabale wane wa Arminia, ine nkhumanya apo mphanonono chomene. Ine nkhung'anamura kumupwetekani yayi, kweni ichi chikundichitira chiweme chomene kumanya kuti ichi . . . Iwe—iwe—iwe uli nacho ichi, iwe uli nacho ichi, m'bale, viri makora. Iwe ukuchiwona waka yayi ichi. Iwe uli nacho ichi mwakuyana waka. Mukuwona? Imwe mose mukuneneska, wonani, imwe mukuneneska. Mukuwona? Kweni, o, kweni ntchiweme chomene kulaŵiskapo pa ichi. Enya. Kuyana waka na icho M'bale Neville wakayowoya za chipata, mayiro, "Ujisangire matanda ndipo wende uzingilire ndipo uwone icho iwe uli nacho." Enya, bwana. Icho ndicho Ichi chikuyana nacho. Mzimu Mutuwa wa Chiuta ndi matanda ghithu kuti watiphalire ise icho ise tiri nacho. Mukuwona?

<sup>172</sup> Wonani, chiharo. O, mwe! "Pakuwa . . ." Ndi chiharo cha mtundu uli?

*. . . pakuwa wakusankhikirathu kwakulingana na chirato cha iyo uyo wakuchita vinthu vyose mwa kumanya kwa khumbo lake:*

<sup>173</sup> Para Iyo wakawa . . . pambere Iyo wandawé Dada, pambere Iyo wandawé Chiuta, pambere Iyo wandawé Muponoski, pambere Iyo wandawé Muchiriski, pambere wandawé chose ichi, Iyo wakasankhirathu, wakawika Zina la Mwanamberere pa Buku, wakalawiska pasi kwizira mu kumanyirathu Kwake ndipo wakaliwona zina linu, wakaliwika mwenemula naloso. Kasi ichi ntchivichi? Ndipo para pajumpfa kanyengo ise tikwiza mu charu, kubabika na wapapi wakwananga; ise tikwenda pa charu, imwe mukumanya. Chinthu chakudankha imwe mukumanya, ngati Muyuda yura wakugombereka mphuno, Paulos, imwe mukumanya, ndipo—ndipo iyo wakawa na chakuchita, ndipo, chinthu chakudankha, Chinyake chikati, "Uku, uku, uku, uku, uku!"

Imwe mukuti, "O, Abba, Wadada!"

<sup>174</sup> Apa ise tayambapo kwiza, wonani. Wakatisankhirathu ise ku chiharo chithu mwa Iyo, icho chikasankhikira ise. Wonani, ise tikahara ichi pambere charu chindawéko. Mukuwona? O! Pa chirato Chake Yekha kuti wachite kukhumba Kwake Yekha kuweme, icho ndi ndendende, kuti waŵe Chiuta na Muponoski.

*Mwa uyo imwe namweso mukagomezga, pamanyuma pakuti imwe mukati mwapulika mazgu gha unenesko, . . .*

<sup>175</sup> Ndipo kasi Unenesko Ndjinjani? Yesu ndi Unenesko, Unenesko wa Ivangeli. Ivangeli ndi? Kuli Ivangeli limoza pera. Wagalatiya 1, wakati, “Nangauli Mungelo wangapharazga Ivangeli linyake lirilose, rekani iyo watembeke.” Ivangeli ndi ili, Ivangeli la chiponosko chinu; linyake yayi, kulije linyake. “Kulije—kulije zina linyake kusi kwa Machanya mwenemumo imwe mwakwenera kuponoskekeramo.” Kweni mu Zina la njani? [Gulu likuti, “Fumu Ÿesu Khristu.”—Munozgi] O, ine!

*. . . mwa uyo . . . pamanyuma pakuti imwe mukati mwagomezga, imwe mukadidimizgika . . .*

<sup>176</sup> O, “Para imwe mukati mwagomezga!” Kasi ise tingajumphapo waka uli pa icho, m’bale? Tiyen'i tichilekere waka ichi ku usiku uwu, kasi imwe mukuti vichi? O, mwe! Ine—ine ningarutirira waka kulikose yayi—kurutirira kujumpha apo. Tiyen'i tichilekere ichi ku usiku uwu. Ine ningalireka yayi lizgu lira la “kudidimizgika,” umo imwe mukunjilira mwenemula, wonani.

<sup>177</sup> Kuhara mwa kusankhikirathu. Ine nkahahara chinyake. Chiharo uli? Pakenera kuti waŵepo munyake wandisidire chiharo ine. Chifukwa, imwe mukuti, “Yesu wakamusidirani chiharo imwe.” Nipemphe chigowokero chinu? Yesu nthia wakandisidira chiharo ine, Yesu wakamusidirani chiharo yayi imwe; Iyo wakiza waka ndipo wakalipilira chiharo chinu, wakamuperekani imwe ku chiharo chinu. Kweni zina linu likalembeka mu Buku la Mwanamberere Wamoyo pambere charu chindawéko. Chiuta wakumupani imwe chiharo chinu. Chiharo chinu ndicho chakudankha. Yesu wakiza waka . . . Wānandi, apa pali umo iwo wākuyezga kuchirongosolera ichi, “Chiuta wakuyowoya, ‘Enya, kuli wānthu wānandi mbakutayika. Palije yumoza wa iwo wazamkuponoskeka, ntheura Ine nditumenge Yesu pasi ndipo munthowa yinyake panyake Iyo . . . munyake waŵalengere chitima, ndipo wāmanye icho Ine nachita ndipo wāponoskeke.” O, lusungu! Ine ningayendeska ofesi yane ngati ntheura yayi, nanga ndi mwaujira umo ine nkhwendeskera iyi nyengo zinyake. Mukuwona? Ine—ine ningachita yayi ichi ngati ntheura. Kuli uli na Chiuta?

<sup>178</sup> Chiuta, mwa kumanyirathu Kwake, wakawona makoraghene uyo wazamkuponoskeka na uyo

wazamkuponoskeka yayi, Iyo wakatuma Yesu kuzakaponoska iwo weneawo Iyo wakawásankha kale. Kasi Paulos wakayowoya yayi, mavesi ghankonde kumanyuma kwa ili, kuti "Iyo wakatisankha ise mwa Iyo pambere chindáweko nanga ndi charu"? Icho ndicho chiharo chithu. Chiuta wakatisankha ise, ndipo wakazomerezga Yesu kuti wafike na kulipira mtengo. Kutu vichi? Kuthiska kwa Ndopa Zake, mwakuti kwananga kuleke kuwélengekera kwa ise. Palije icho imwe mukuchitapo. Kweni usange imwe...

<sup>179</sup> "Iyo mweneuyo wakwanangira dala pamanyuma pakuti wapokera umanyi wa Unenesko, kulije sembe yinyakeso."

<sup>180</sup> Sono, apo ndipo imwe munyamukengeso, kuti, "Ukuti uli za icho, M'bale Branham?"

<sup>181</sup> Kweni kumbukirani waka, wonani, "uyo wali kupokera *umanyi* wa Unenesko." Iwo wakapokera Unenesko yayi, iwo wakapokera waka umanyi wa Ichi. Mukuwona? Ntchambula machitiko kwa iwo weneawo kale wakangweruskika, wakazgoka wakusangana na Mzimu Mutuŵa, wakacheta nkhangongo ya Mazgu ghaweme. Ngati wakugomezga wara wa mu mphaka kale kula. Wanandi chomene wali kundilembera makalata ine pa icho.

<sup>182</sup> Wakugomezga wara wa mu mphaka wakenda wakafika nkhanira kula, Joshua na Caleb wakafika nkhanira kusirya kula. Chifukwa? Sono ise tichemenge icho Mzimu Mutuŵa, charu kudera kula. Apa iwo wali kumanyuma *uku*. Panji kunena *uku*, wakuti *ichi* ndi Mzimu Mutuŵa, ndipo iwo wali kumanyuma *uku*, imwe wonani. Uku ndiko kuli phangano, liriko *kula*. "Enya, usange iwo wakatuma wazondi khumi, yumoza kufuma mu fuko lirilose, mwakuti ise tose ta mafuko timanye kuti kasi chiharo chithu ndi vichi, uko wose wamkukhazikika kusirya kula, uko ise tamkukhazikika." Ntheura, ine nditumenge wazondi wanyake."

<sup>183</sup> Iwo wose wakafika kudera kula, "O, mwe! Yayi. Ise tingachemeka watuŵa wakukunkhuruka, kufuma sono na kunthazi. Yayi, huh-uh, ise tingachita yayi icho." Mukuwona?

<sup>184</sup> Joshua na Caleb wakati, "Ine ndiwonenge umo ichi chikuwonekera." Ntheura iwo wakiza kudera uku ndipo wakalaŵiska chose zingirizge. Mwe, iwo wakafika kunena kula ndipo wakatorako chiskango chikuru cha icho ghakawa magirepi ghawo ndipo wakafika pa kuzomerezga. Wakati, "Mnyamata, charu ntchiweme, charu ntchiweme chomene! Apa, laŵako vinyake vya ivi, ivi ndi viweme chomene!"

<sup>185</sup> "O, icho ntchiweme, kweni, o, wawoneni wakuru wara... O, ise tingachita yayi ichi. Kwimikana na mabungwe ghakurughakuru ghose ghara, vinthu vikuruvikuru vyose vira? O, ichi ntchakusuzga chomene, ise tingachita yayi ichi. Yayi, bwana! Palije kanthu kwali ndinjani, ise tichitenge yayi.

Yayi, bwana.” Ndipo iwo wakayamba kuyowoya, “O, tiyeni tiwerere ku masangurusko gha Egupto. Ise panyake nthena tikakhala waka kusika kula. Ise tingachita yayi ichi, nthowa iyi njifinyi chomene. Ise tikumanya kuti ise tingachita yayi *ichi*, ise tingachita yayi *icho*.”

<sup>186</sup> Mulara Kaleb wakati, “Khalani chete, imwe mose!” Joshua wakati, “Khalani chete, waliyose wa imwe! Rekani ine niyowoye chinyake.”

<sup>187</sup> “O, chitima, chitima, chitima, ise tingachita yayi ichi! O, ise tingachita yayi. Enya, usange ine nkachita kuleka kutchaya makadi, M’bale Branham! Usange ine nkhwenera kuzomerezga sisi lane likure ngati la mwanakazi munyake mulara, ine nkhumanya waka yayi icho ine ningachita. Usange ine nkhwenera kuti ndivure wakabunthu wane wachokowachoko, ine—ine—ine, mwe, ine ningachita yayi, imwe mukumanya. Ndipo usange ine nkachita kuleka kukhwewa vingambwe vyane, usange ine nkhenera kuchita icho!” Iwe chiyezgerero chachitima. Enya. “Tingachita yayi ichi.”

<sup>188</sup> Joshua wakati, “O, ichi ntchiweme. Aleluya! Ise tingamanya kutora ichi.” Kasi chikawa chivichi? Iwo wakalaŵiskanga pa misumba yikuru iyo yikazingirizgika na linga. Ndipo Joshua na Kaleb wakalaŵiskanga pa phangano ilo Chiuta wakapanga. Khalani na Mazgu, palije kanthu kwali ndiwe njani. Khala na Mazgu!

<sup>189</sup> Pakuti Petros wakati, “Rapani, waliyose wa imwe, ndipo mubapatizike mu Zina la Yesu Khristu kuti zakwananga zinu zigowokereke, pakuti phangano ndinu,” (Charu ntchi cha phangano?) “na ku wana ūnu, na kwa iwo weneawo wali kutali, nanga ndi wanandi awo Fumu Chiuta withu wachemenge.”

<sup>190</sup> Kuzomerezga yayi ichi chimupwetekeni, nkujara, chonde kuchita yayi. Mukuwona? Uko imwe wa Pilgrim Holiness na wa Nazerene, imwe mukufika nkhanira mu kutuwiskika, mukenda nkhanira kufika uku ku malo uko imwe mukamanya nanga nkughawona magirepi, ndipo pamanyuma mukang’anamuka ndipo mukawerera kumanyuma. Mukuwona icho chikachitika? Ilo ndilo ndi suzgo, imwe mukarwira yayi kunjira mu charu. Ndiwoneskeni wa Nazerene yumoza panji wa Pilgrim Holiness, panji munyake waliyose wa iwo mu charu muhanyauno, wali na maungano ghakuru ghakukopa gha machirisko na vimanyikwi na vyakuziziswa vikuchitika. Ndiwoneskeni yumoza ine. Imwe mwakhazikika pasi na Egupto, mwawerera ku mapoto gha gariki. Imwe mukayima pa Kadesh-barnea. Uwo mbunenesko.

<sup>191</sup> Wonani, ndipo rekani ine ndimupeni malo ghinu, mu Wahebere chipatulo 6. “Pakuti ntchambula machitiko kwa iwo weneawo kale wakangweruskika,” imwe mukamanya makora. Usange imwe mukumanya yayi, imwe mwamanya

ichi sono. Mukuwona? “Ndipo wakazgoka wakusangana, ndipo wakachetako vyawanangwa vya Kuchanya.”

<sup>192</sup> Wakanheta, wonani. Wanhu wakuruta ku tchalitchi, ndipo wakukhala pasi ndipo wakuti, “Imwe mukumanya, iwo, iwo panyake wakuneneska. Icho—icho—icho panyake chingawâ chaunenesko. Ichi chingamanya kuwa waka chakuyana, kweni ine nkukuphalira iwe, mnyamata, chikutolera chipulikano chikuru chomene kuchita icho.”

<sup>193</sup> “Wacheta vyawanangwa vya Kuchanya, ndipo watora Ndopa za phangano kuwa ‘chinthu chiheni,’ zeneizo zikamutuwiskani.”

<sup>194</sup> Ngati mupharazgi, mama wake wakumutuma kunyake iyo. Iyo wakuti, “Ine ndiri na ntchemo yakuti ndiwe muteweti wa Fumu.”

<sup>195</sup> “Viri makora. Chinthu chakudankha icho ine nkhwenera kuti ndichite ntchakuti ndikuchitire chinyake iwe, wakutemweka, ndipo ine ndikutumenge ku sukulu yinyake.” Chinthu chiheni chomene iyo wakachita. Uwo mbunenesko. Iwo wafumiskengemo vyose mwa iyo ivyo Chiuta wakuyezga kuwika mwa iyo. Pamanyuma, sono wonani.

<sup>196</sup> “Pakuti usange ise tikwanangira dala, kwanangira dala pamanyuma pakuti ise tapokera umanyi wa Unenesko, umanyi. Tikuchiwona ichi mu Malemba ndipo tikumanya kuti Baibolo likuyowoya kuti Iyo ndi mweneyura mayiro, muhanyauno, na muyirayira. Tikuchiwona Ichô, ndi umanyi wa Unenesko. Kutitikuchiwona ichi, ise tikurazgako nkontho, ndipo tikutora Ndopa za phangano . . .”

<sup>197</sup> Munthu wakuti, “O, enya, ine nkugomezga mwa—mwa Chiuta.” Viri makora, iwe wapanga sitepu yakudankha.

<sup>198</sup> “Nadi, ine nkugomezga mu kutuwiskika.” Viri makora, iwe uli mu mphaka, nkhanira pachanya apa pafupi kuti upokere Mzimu Mutuwa. Kweni iwe ukulawiska muchanya ndipo ukuti, “Ine—ine—ine nkhumanya yayi za icho. Usange ine nkhwenera kuchita ngati . . . Yayi. Ine nkhumanya yayi. Imwe mukumanya icho iwo wakuwachema wanhu wara? U-nhu, ine nkhumanya yayi kwali ine ningachita icho panji yayi. Yayi, ine nkugomezga ine nirutirire waka na kukajoyina . . . ? . . .” Mukuwona? Mukuwona?

<sup>199</sup> Ndipo imwe mukumanya icho chikuchitika? Iyo wakati, “Ntchambula machitiko kwa iwo kuti wanjire.” Iwo wali kujumpha nyengo yawo ya uchizi. Baibolo likayowoya ntheura. Ine nkhumanya icho chikupweteka, kweni Baibolo likati, “Wali kuchetako vyawanangwa vya Kuchanya, ndipo wakatora Ndopa za phangano zeneizo . . .”

<sup>200</sup> Iwo wakuti, “Ine nkugomezga mu kutuwiskika, uweme, wautozgi, umoyo utuwa.”

<sup>201</sup> Nadi, kweni imwe, para imwe mukati mwawona Ubapatizo wa Mzimu Mutuŵa, na ubapatizo na vinthu vinyake vyose ivi mu Baibolo, ndipo imwe mwachitapo vichi? Imwe mwatora Ndopa za phangano zeneizo imwe mukatuŵiskikiramo, kuŵa “chinthu chiheni.” Ntchivichi mu charu icho chikakutolera iwe kula, wamunthu? Ntchivichi . . . ? . . . Ntchivichi chikakusunga iwe kuleka kuŵa wakwananga wakumalirathu? Ntchivichi chikafumiskamo kwananga mu umoyo wako, na kukhweŵa na kumwa, na wânakazi na vinthu kufuma mu umoyo wako, kuti vileke kuŵamo mula? Ntchivichi chikachita icho? Ndopa za phangano! Ntheura imwe mukwiza kufupi chomene kuti mucheteko magirepi gha ku Charu chinyake, ndipo mukuchita soni na Ivangeli, mukopa bungwe linu! Chiuta wamulengeren lusungu! Enya, bwana. “Wakatora Ndopa za phangano kuŵa ‘chinthu chiheni,’ ndipo wâkachita mwakususkana na milimo ya uchizi. Ntchambula machitiko kwa iyo kuti wakanjire mu Charu.”

<sup>202</sup> Kasi kukachitikachi? Ine nkhufumba imwe. Sono, ine ndine wakugâwa vinthu mu magulu, ndipo munthu waliyose uyo wakumanya Baibolo ndi wakugâwa vinthu mu magulu. Kasi yumoza wa wânthu wâra wakanjira mu charu chira cha phangano? Palije yumoza wa iwo. Mbanjani wâkachita ichi, awo wâkanjira kula? Iwo wêneawo wâkadankha kuruta, wâkawerako ndipo wâkati, “Ise tingatora ichi, ise tingamanya kuŵa nawo Mzimu Mutuŵa chifukwa Chiuta wakayowoya ntheura! Petros wakayowoya pa Dazi la Pentekosite, usange ine ‘ningarapa na kubapatizika mu Zina la Yesu Khristu,’ ine nkhwenera kuti ndipokere Mzimu Mutuŵa, phangano ndane. Ine ndanozgeka kuchita ichi. Ndane, phangano ndane.” Imwe mukupulika ichi? “Sono phangano ndane. Ine nkhupokera ili, ili ndane. Nadi ndane.” Iwo wâkâwa wékha pera.

<sup>203</sup> “O,” imwe mukuti, “kweni, M’bale Branham, mu chiwuka!” Iwo wâmkuŵako yayi kula. “O, iwo wâmkuŵako yayi?” Yayi, bwana. Yesu wakayowoya.

<sup>204</sup> Iwo wâkati, “Ndipo Iwe ukujipanga Wamwene mukuru ngati Moses, ndipo Iwe ukayowoya kuti Iwe ukaŵako, Iwe ‘ukamuwona Abraham.’” Ndipo iyo wakati, “Ndipo—ndipo—ndipo—ndipo Abraham wakafwa kale! Chifukwa, Iwe nthâ—Iwe undajumphe nanga ndi virimika fifite vyakubabika, ndipo Iwe ukati Iwe ukamuwona Abraham?”

<sup>205</sup> Iyo wakati, “Pambere Abraham wandaŵeko, INE NDIRIPO.” O, mwe! “INE NDIRIPO,” wakusangika nyengo zose, Chiuta Wamuyirayira. Mayiro yayi, namachero yayi, “INE NDIRIPO.” Mukuwona? Chiuta wakusangika nyengo zose, Elohim, “INE NDIRIPO.” Pamanyuma iwo wâkarotoka . . . Iwo wâkati wâmukomenge Iyo pamanyuma.

<sup>206</sup> Iyo wakati, “Enya, wadada withu wakarya mana mu mapopa virimika fote. Chiuta wakaroposka vingwa kufuma Kuchanya ndipo wakawaryeska iwo. Iwo wakaruta ku tchalitchi ndipo iwo wakawa mamembara ghaweme gha mpingo virimika fote. Amama wane walara wakafwira nkhanira mu mpingo uwu,” na chirichose ngati nttheura. “Wadada wane wakarya mana mu mapopa virimika fote.”

<sup>207</sup> Ndipo Yesu wakati, “Ndipo waliyose wa iwo wali kufwa.” *Kufwa chikung'anamura* “*kupatukana Kwamuyirayira*.” “Waliyose wa iwo wali kufwa. Kweni Ine nkhumunenerani imwe, kuti Ine ndine Chingwa cha Umoyo icho chikufuma kwa Chiuta kufuma Kuchanya. Para munthu warya Chingwa ichi cha Mzimu, iyo wali na Umoyo Wamuyirayira ndipo wangaparanyika yayi. Ndipo Ine ndizakumuwuska iyo mu nyengo yaumaliro.” O, m'bale, kasi Iyo ngwakuziziswa yayi?

Ngwakuziziswa yayi Iyo, ngwakuziziswa,  
ngwakuziziswa?

Kasi Yesu Fumu yithu ngwakuziziswa yayi?  
Maso ghawona, makutu ghapulika, icho  
chalembeka mu Mazgu gha Chiuta;  
Kasi Yesu Fumu yithu ngwakuziziswa yayi?

<sup>208</sup> Ndi unenesko uwo? Ise tikuuwonna Mzimu Wake wakusanda ukwenda pakati pithu. Ise tikumuwonna Iyo wakuchita minthondwe na vimanyikwi na vyakuziziswa. Ise tikupulika Ichi chalembeka nkhanira mu Mazgu umu, imwe mukuchiwona Ichi chikukhozgeka nkhanira kula. O, mwe!

Maso ghawona, makutu ghapulika, icho  
chalembeka mu Mazgu gha Chiuta;  
Kasi Yesu Fumu yane ngwakuziziswa yayi?

<sup>209</sup> Mu maminiti ghanyake għawiri, panji għatatu, kuwengen chisopo cha ubapatizo chichitikenge muno. Ndipo sono iwo weneawo wabapatizikenge, rekani wanakazi warute kudera *uku*, ndipo wanarumi kudera ku chigawa *ichi*. Ndipo sono wanarumi kumazere kwane, kudera *uku* ku chigawa *ichi*. Ndipo wanakazi kudera *uku*. Kuwengen walongosi kwenekula na malaya ghapadera. Ndipo usange mwanarumi munyake panji mwanakazi munyake muno mlenji uwu, uyo wakhorwa kuti iwe wagomezga mu Mazgu għa Chiuta, ndipo iwe wagomezga kuti Chiuta wakusunga phangano Lake, kuti usange munthu warapenje mwakufikapo zakwananga zake zose... Sono, Ndopa zichali zindachitepo chinthu chirichose. Yayi, ndi chipulikano waka chako mwa Chiuta. Ndipo Chiuta wakukuchema, wakuti, “Tiye, tiye, tiye!” kuchemanga iwe, ndicho ichi chikuchita sono, “Tiye, tiye!”

“Ine nindabatizike.”

“Tiye, tiye!”

"Enya, enya, usange ine ningayambako waka na kuchita mwakulekana."

"Tiyé!" Icho, icho ndicho chinthu, yambako, pamanyuma—pamanyuma iwe ukuchita mwakulekana para iwe wayambako. Mukuwona? Iwe ukwenera kuti ung'anamuke, yambako, wona.

Iwe ukuti, "Enya, ine—ine—ine nkhachiwona icho ngati ntheura yayi."

<sup>210</sup> Enya, m'bale wakutemweka, ine nkhukhumba kuti undiwoneske Lemba limoza uko munthu munyake... Ine ndiri kufumba ichi virimika sate-wanu vya utumiki wane kuzingilira charu, panthazi pa mabishopu na wanyake ntheura, uko munthu yumoza, munthu yumoza wakabapatizika mu nthowa yinyake padera pa mu Zina la Yesu Khristu. Ndipo waliyose uyo ntha wakabapatizika mu Zina la Yesu, wakenera kuti wize na kubapatizikaso mu Zina.

<sup>211</sup> Chiuta wakaŵa na Zina limoza pera, ndipo Zina Lake ndi Yesu. Yura wakaŵa Mwana Wake, Iyo wakatora Zina la Mwana Wake. Chiuta! Sono, Yesu, thupi wakaŵa munthu. Ise tikumanya icho. Yura wakaŵa Mwana wa Chiuta uyo wakaphimbika. Sono ise tikugomezga mu mtundu wa umoza yayi, wanthalu awo wakuyowoya kuti Chiuta wali ngati munwe winu. Ise tikugomezga kuti kuli ghatatu maukha.... maukhaliro gha Chiuta. Maukhaliro ghatatu gha Chiuta, Chiuta wakawonekeramo. Kweni kuli Chiuta yumoza. Mukuwona? Uwo mbunenesko. Ise tikugomezga yayi.... Ise tikugomezga mu a—mu a.... Rekani ine ndipange ichi ngati ntheura, ise tikugomezga kuti Chiuta wakakhalanga mu maudindo ghatatu. Iyo wakaŵa nawo udindo pa charu chapasi nyengo yimoza.

<sup>212</sup> Sono, imwe wānakazi rutani ku chigaŵa *ichi*, ndipo imwe wānarumi rutani ku chigaŵa *ichi*, imwe mukunozgekera. Ndipo iwo wākunozgekera chisopo cha ubapatizo sono.

<sup>213</sup> Ndipo, sono, Chiuta wakaŵa na maudindo ghatatu. Umoza wa igho ukachemeka Udada, panji ulinda wa Dada; umoza unyake ukachemeka Umwana; ndipo umoza unyake ukachemeka Mzimu Mutuŵa. Sono, muhanyauno, kasi—kasi Dada wakuteŵeta mu ulinda ngu muhanyauno? [Gulu likuti, "Mzimu Mutuŵa."—Munozgi] Mzimu Mutuŵa. Kasi Iyo wakaŵa njani mu mazuŵa agho ghali kujumpha? ["Yesu."] Yesu. Kasi Iyo wakaŵa njani mu mazuŵa pambere wandawē icho? ["Dada."] Kweni wakaŵa waka Chiuta yumoza! Ndi unenesko uwo? Iyo ndi Dada, Mwana, na Mzimu Mutuŵa. Ghatatu agho, maudindo ghatatu agho gha Chiuta yumoza. Chiuta yumoza!

<sup>214</sup> Kweni sono, Dada ndi zina yayi, ndi unenesko uwo? Ine nkhukhumba kuti ndimufumbeni imwe. Sono ine nkhukhumba kuti ndimupeni Mateyu 28:19, uko Yesu wakati, "Ntheura imwe rutani, mukasambizge mitundu yose, mukaŵabapatize iwo mu Zina," (Z-i-n-a) "Zina la Dada...."

<sup>215</sup> Sono ine nkukhumba kuti ndiwone umo imwe mukughamanyira makora Malemba ghinu. Mundiphalire ine para ine nkhuszgekapo pa mzere. Ndipo Iyo wakanena nawo, “Ntheura imwe rutani mu charu chose, mukapharazge Ivangeli ku chilengiwa chirichose. Iyo mweneuyo wagomezgenge na kubapatizika waponoskekenga. Iyo mweneuyo wagomezgenge yayi wasuskikenga. Vimanyikwiro ivi viwarondezgenge weneawo wakugomezga. Mu Zina Lane iwo wafumiskenge viwanda,” (wose uwo mbunenesko?) “wayowoyenge malilime ghaphya, wakorenge njoka.” Sono ine ndimuŵazgireningiso imwe, Mateyu...

<sup>216</sup> Sono tegherezgani. Ine nkufumba wamudauko waliyose. Sono ichi chiri pa matepi, ichi chikuruta ku charu chose. Ine nkufumba wamudauko waliyose kuti wize kwa ine ndipo wanditorere ine makani ghalighose kufuma mu Malemba, makani ghalighose gha...panji Lemba yayi, makani ghalighose gha Lemba panji mudauko uliwose, vesi lirilose la mudauko ilo likawoneska kuti wa Protestant munyake, kuti munyake wakabapatizika mu Zina la “Wiske, Mwana, Mzimu Mutuŵa” kufikira apo mpingo wa Katolika ukakhozga ichi mu Mphara ya Nicene. Sono ichi chiri pa matepi, ichi chikuruta ku charu chose, viyowoyer sate-seveni vyakupambanapambana ivyo agha ghali kutanthauzirkiramo. Ine ndikulipirirenge ulendo wako kwambuka nyanja. Uwo mbunenesko. “Wiske, Mwana, na Mzimu Mutuŵa” ndi utesi, chisambizgo chafeki cha Katolika, ndipo nthia ubapatizo wa Chikhristu. Mbunenesko! Lutera wakatora ichi kufuma ku mpingo wa Katolika, na katekisma, Wesley wakachikora ichi ndipo chikarutirira. Kweni iyi ndi nyengo ya kuwonekera kwa wana wa Chiuta, apo vyamchindindi ivyo vikabisika kufuma ku mtendeko wa charu vikwenera kuti vivumbukwe. Ora ndi ili. Nadi.

<sup>217</sup> Kumbukirani, wakaŵako yayi munthu mu Baibolo wakabapatizika mu zina la “Wiske, Mwana, Mzimu Mutuŵa.” Virimika firi handiredi pamanyuma pa nyifwa ya mupostoli waumaliro, kukaŵavye munyake wakabapatizika mu zina la “Wiske, Mwana, Mzimu Mutuŵa.” Iwo wakaŵa...Ine ndiri kuŵazga ghose ghawiri *Pre-Nicene Fathers, The Nicene Council*, ndipo kufumira kula iwo wali kupanga bungwe ilo iwo wakuchema “mpingo wa Chikhristu wa charu chose” ndipo wakapanga bungwe kufuma ku uwu ndipo wakachichizgiramo wantru mu uwu, uwo ukawa mpingo wa Katolika. Lizgu ilolene lakuti *katolika* likung'anamura “charu chose,” mpingo wa Chikhristu wa charu chose, charu chose, mpingo umoza kukwanira charu chose. Ndipo Chikhristu ichi, iwo wakachichizgiramo wantru mu ichi. Mwenemula iwo wakakhazikiska, iwo wali kukhizgira pasi Venus ndipo wali kukwezga pachanya Mariya. Iwo wali kukhizgira pasi... panji Jupiter, na kukwezgera pachanya Paulos. Ichi ndi

kuwura kugomezga ndipera! Mbunenesko. Mpingo wa Katolika ukayambira kwenekula, ndipo pakati pajumpha virimika fayivi handiredi . . .

<sup>218</sup> Iwo wali na seŵero likuchitika mu Louisville sono, la *Ben Hur*. Iwo wakawâna na la *Marango Khumi* kale chomene yayi. Ine nakhumbanga kuti nthena wângutorapo limoza la igho, usange iwo wângachita, la virimika fifitini handiredi vya miwiro ya mdima. Ine nakhumbanga kuti nthena wânguwikapo limoza lira. Virimika fifitini handiredi vya kuzikizga kwa wâchikunja, para iwo wâkachichizga waliyose ndipo wâkaŵakoma iwo, kuŵakoma iwo, kuŵanyonga iwo. Kuŵika goliwori pa yumoza ndipo goliwori pa munyake, na kuŵapanga iwo wâfyofyonthe mphinjika panji yumoza wayambe kuruta kudera uku panji kudera uko. Ine ndiri kuŵikapo woko lane, nkhanira mu Switzerland, kumanyuma kwa mizati uko iwo wâkimilira kula ndipo wâkadumura malilime ghawo ndipo wâkaŵazunura iwo wâfwti na chinyake chirichose. Uwo mbunenesko nadi. Mbunenesko!

<sup>219</sup> Ndipo mzimu weneula uliko muhanyauno. Ndi dango waka ilo likukorako ichi. Lindizgani mpaka ichi chisange wanangwa wake. Baibolo likayowoya ntheura. Lindizgani waka mpaka ichi chiwoneske mtundu wake, ichi chisange mwâwi wakuchita. Imwe panyake muchivoterenge ichi mwasonosono, pakuti ndicho ine nkhumanya. Mukuwona? Ichi chikwiza, ichi chifikenge. Kulije nthowa ya kuchitondeskera ichi. Ichi chikwenera kuti chifike. Uwo mbunenesko. Ichi chikwenera kuti chifike, ichi chikwiza. Ntheura para ichi chafika, imwe mukhale waka tcheru. Kweni, m'bale, iwe ukukhumba kuti umanye chinthu chimoza ichi, ine nkhumumanya Uyo ine nagomezga. Aleluya! Nkhwenda kuruta munthazi. Wonani. Mphenepapo.

<sup>220</sup> Yikaŵapo nyengo apo a-apo mlembi, para ine nkhati ndamuphalira mlembi wa Lam- . . . Lamsa—Baibolo la Lamsa, para iyo wakati walaŵiska ndipo wakawona chimanyikwiro chakale chira cha Chiuta, ndendende waka ngati icho, madoti ghachokoghachoko ghatatu mu ichi, ine nkhati, “Kasi uto nthuvichi?”

Iyo wakati, “Uyo ndi Chiuta mu maukhaliro ghatatu.”

Ine nkhati, “Ngati Wiske, Mwana, na Mzimu Mutuŵa?”

Iyo wakandilaŵiska. Iyo wakati, “Kasi iwe ukugomezga icho?”

Ndipo ine nkhati, “Enya, bwana.”

<sup>221</sup> Iyo wakati, “Ine nkhwona kusanda kula usiku unyake, ine nkhanghanaghana kuti iwe ukaŵa muprofeti wa Fumu.” Wakati, “Chiuta watumbike mtima wako.” Wakaŵika woko lake kundikumbatira ine, wakati, “Sono ine nkhumanya ichi chiriko.” Iyo wakati, “Wanthu áwa ñá mu America wâkumanya yayi kasi ntchivichi.” Wakati, “Iwo wâkumanya nanga ndi

kalikose yayi.” Wakati, “Iwo wakuyezga kutora Buku la Kuvuma na kupanga Buku la Kuzambwe kufuma ku Ili. Iwo wakumanya yayi nanga ndi Baibolo lawo.” Iyo wakati, “Kulije Zina linyake liri kupika kusi kwa Mtambo, kulije Zina linyake, pakuti waliyose wakabapatzika mu Zina la Yesu Khristu. Kulije chinthu ngati wantru watatu mwa Chiuta yumoza.” Ndipo uyo ndi M’bale Lamsa, Dokotala Lamsa, wakutanthauzira Baibolo la Lamsa, uyo ndi mubwezi wa pa mtima wa Eisenhower na wakazembe wakuruwakuru wose wa charu, na chinyake chirichose, wakaponya mawoko ghake kundikumbatira ine, wakati, “Dazi linyake iwo wazamkukulasa iwe chifukwa cha icho. Kweni,” wakati, “kumbukira, wantru wose wara wakufwira pa chifukwa.”

<sup>222</sup> Ine ningatemwa kuwa ngati ntheura para Petros wakale wakamuwika mu gadi. Mukawa myamata mulara pachoko mwenemula ndipo iyo wakambwambwanthanga. Ndipo iyo wakati, “O, kasi chachitika ndi vichi?”

Wakati, “Iwe ukumanya kuti iwe ukomekenge?”

Petros wakati, “Enya.”

Iyo wakati, “Enya, iwe uwengene muhanyauno.”

Iyo wakati, “Enya.”

Iyo wakati, “Enya, iwo a—iwo a . . . ukuchita wofi yayi iwe?”

Iyo wakati, “Yayi.”

Iyo wakati, “Iwe ukwenera kuti ndiwe yumoza wa awo wakuwachema Wakhristu.”

Iyo wakati, “Enya.”

Wakati, “Kasi chikachitika ntchivichi?”

<sup>223</sup> Ndipo iyo wakamuphalira iyo, iyo wakakhala pasi ndipo wakamuphalira iyo nkhanji yose. Ndipo apo iyi yikarutiriranga, wakafika pa chigamuro, iyo wakati, “Ndipo ine mphanyi nanguwa wakusutuka mlenji uwu. Ine nthema nanguruta na kukajoyina mabungwe ghawo ghanyake na kukhala wamoyo, wonani. Ine nthema nanguwa wakusutuka. Kweni ine nkhayamba kufuma pa chipata cha msumba, ndipo ine nkhwawona Yumoza wakwiza, wakunjira. Ine nkhamanya Ichio Iyo wakawa. Ine nkhati, ‘Fumu, kasi Imwe mukuyankhu?’ Iyo wakati, ‘Ine nkhiruta kukapayikikaso.’” Wakati, “Ine nkhwiza nkhanira kumanyuma.”

<sup>224</sup> Nkhanira penepapo iwo wakati, “Ndinjani uyo zina lake ndi Simon Petros?”

Wakati, “Ndine ndiri pano!”

Wakati “Ise tanozgeka tapukwa iwe.”

Wakati “Ine nakhala nkhlindizga imwe.” Wakenda wakafumira kuwaro.

<sup>225</sup> Mnyamata yura wakamukora iyo pa phewa, ndipo wakati, “Lindizga miniti pera, Simon; ine nkhumuzomera Chiuta yura naneso! Ndipo sono ine ndirije wofi; rekani yane yiwe yakurondezgako.” Uwo mbunenesko. Aleluya!

Likurutirira... Likutchutchiska ndopa, enya,  
 likutchutchiska ndopa,  
 Ivangeli ili la Mzimu Mutuwa likutchutchiska  
 ndopa,  
 Ndopa za wasambiri awo wakafwira  
 Unenesko,  
 Ivangeli ili la Mzimu Mutuwa likurutirira  
 kutchutchiskanga ndopa.

Wakudankha kufwira ndondomeko iyi ya  
 Mzimu Mutuwa,  
 Wakawa Yohane Mubapatizi, kweni wakafwa  
 ngati munthu;  
 Pamanyuma wakiza Fumu Yesu,  
 wakamupayika Iyo,  
 Iyo wakapharazga kuti Mzimu uzamuponoska  
 wantru ku kwananga.

Kukawa Petros na Paulos, na Yohane wauzimu,  
 Iwo wakapereka maumoyo ghawo mwakuti  
 Ivangeli ili lingawara;  
 Iwo wakasazga pamoza ndopa zaho, ngati  
 waprofeti wakale,  
 Ntheura Mazgu ghaneneska gha Chiuta  
 ghapharazgike mu unenesko.

Kuli mauzima pasi pa guwa, ghakulira,  
 “Mpaka pauli?”  
 Kuti Fumu yizakalange awo wali kuchita  
 kwananga; (Tegherezgani!)  
 Kweni kuzamkuwa wanandi awo  
 wazamkupereka ndopa za umoyo wawo  
 Chifukwa cha Ivangeli Lituwa la Mzimu  
 Mutuwa na chiziwa Chake chandopa.

Likutchutchiska ndopa, enya, likutchutchiska  
 ndopa,  
 Ivangeli Lituwa ili la Mzimu Mutuwa  
 likutchutchiska... ndopa,  
 Ndopa za wasambiri awo wakafwira  
 Unenesko,  
 Ivangeli la Mzimu Mutuwa likutchutchiska  
 ndopa.

<sup>226</sup> Lemba waka limoza pambere ise tindarute:

...Ndipo iwo wakanena na Petros na... wanyake  
 wose wa iwo, Madoda na wabale, kasi ise tichitech'i kuti  
 tiponoskeke?

*...Petros wakati kwa iwo, Rapani, waliyose wa imwe ndipo mubapatizike mu Zina la Yesu Khristu ku kugowokerekwa kwa kwananga kwinu, ndipo imwe mupokerenge chawanangwa cha Mzimu Mutuwa.*

*Pakuti phangano ndinu, na ku wana winu, na ku weneawo wali kutali, nanga ndi wanandi awo Fumu Chiuta withu wachemenge.*

<sup>227</sup> Fumu yimutumbikeni sono. Apo ise tikufumapo pa malo. Imwe mungamanya kulaŵilira ubapatizo apo ise . . . ? . . .



*KULEREKA* <sup>3</sup> CTK60-0522M  
(Adoption <sup>3</sup>)  
MNDANDANDA WA GHA KULEREKA

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata mlenji, Meyi 22, 1960, pa Branham Tabernacle mu Jeffersonville, Indiana, U.S.A. ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembe ka na kugawika na Voice Of God Recordings.

CHITUMBUKA

©2021 VGR, ALL RIGHTS RESERVED

VOICE OF GOD RECORDINGS, MALAWI OFFICE  
P.O. Box 51453, LIMBE, MALAWI

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuŵa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyeroy vinyakhe, panji kuligwiriska ntchito pa kupempheskera ndalamu kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)